

淮安府志

地220.77
134
:8

淮安府志忠烈敘

昔人謂願爲良臣不願爲忠臣夫人臣而以忠節見豈得已哉淮郡扼南北之吭爲江淮間必爭之地不幸而國家多事守是土者義不得不與爲存亡至於計無復之外援俱絕猶將徒手奮呼揮戈指日以明在三之節有死不二亦云壯哉歷觀南唐張彥卿元季褚不華諸君子當危亡之際誓守孤城而其時偏裨卒吏亦皆能慷慨報効卒致閤郡守死以殉忠義所感有由然也獨怪淮郡既數被丘革捐軀蹈義者當指不勝屈而自劉宋迄元明僅得賀弼而下十有

淮安府志

卷之十九

忠烈敘

一

九
一人其間湮沒而失傳者又可勝道哉志忠烈第十

淮安府志卷之十九

忠烈

宋

賀弼字仲輔會稽山陰人有文才歷官山陽太守竟陵王誕謀逆弼固諫不從服藥自殺誕敗贈弼車騎將軍時有梁曠者素以勇直著爲山陽內史家在廣陵劉誕執其妻子遣使邀曠曠斬使拒之誕敗擢爲游擊將軍南史

南唐

張彥卿鄭昭業皆不知何郡縣人保大末彥卿爲楚州

淮安府志

卷之十九

忠烈

一

防禦使昭業爲兵馬都監共守楚州中興元年周世宗南侵元宗下令命焚東郡宮寺與民廬徙其民渡江世宗親攻楚州城守甚堅攻四十日不能破乃以梯衝臨城鑿城爲穴實薪焚之遂陷彥卿猶取繩床搏戰與鄭昭業等千餘人皆死之周兵死傷亦甚衆世宗怒屠城焚廬舍殆盡元宗嘉彥卿忠詔贈侍中十國春秋張彥卿傳

宋

趙立徐州張益村人以敢勇隸兵籍靖康初金人大入立數有戰功累遷右衛大夫忠州刺史會金圍楚州

急通守賈敦詩欲以城降宣撫使杜充命立將所部兵赴之且戰且行連七戰皆勝而後能達楚州兩頰中流矢不能言以手指麾既入城休士而後拔鏃詔以立守楚州明年正月金人攻城立命撤廢屋城下然火池壯士持長矛以待金人登城鉤取投火中金人選死士突入又搏殺之乃稍引退五月兀朮北歸假道立斬其使兀朮怒乃設南北兩屯絕楚州餉道立引兵出戰大破之會朝廷分鎮以立爲徐州觀察使泗州漣水軍鎮撫使知楚州立一日擁六騎出城呼曰我鎮撫也可來接戰有兩騎將襲其背立奮二

矛刺之俱墮地奪兩馬而還金兵追其後立瞋目大呼人馬皆辟易明日金列三隊邀戰立爲三陣應之金人以鐵騎數百橫分其陣而圍之立奮身突圍持挺左右大呼金人落馬者不知數承楚間有樊梁新開白馬三湖賊張敵萬窟穴其間立不與通糧道愈梗採鳧芡屑榆皮食之承州既陷楚州益孤立遣人詣朝廷告急趙鼎欲遣張俊救之俊不肯行乃命劉光世督淮南諸鎮救楚州獨東海李彥先首以兵至扼淮河不得進高宗覽立奏嘆曰立堅守孤城雖古名將無以踰之以書趣光世會兵者五光世訖不行

金以外救絕圍益急九月攻東城立募壯士焚其梯
火輒反嚮立嘆曰豈天未助順乎忽風轉焚一梯立
喜登磴道以觀飛砲中其首左右馳救之立曰我終
不能爲國殄賊矣言訖而絕年三十有七衆巷哭以
參謀官程括攝鎮撫使金人疑立詐死不敢動越旬
餘城始陷立爲人木彊不知書忠義出天性善騎射
與士卒均廩給每戰擐甲胄先登有退卻者捽之斬
劉豫遣立故人齎書約降立不發書焚其使市中曰
吾了此賊必滅豫忠義之聲遠近傾下之金人不敢
斥其名圍既久衆益困立夜焚香向東南拜乃泣曰

淮安府志

卷之十九

忠烈

三

誓死守不敢負國家立嘗戒士卒不幸城破必巷戰
決死及陷衆如其言訃聞輟朝贈奉國節度使開府
儀同三司官其子孫十人謚忠烈立祠名曰顯忠

宋史

忠義
傳

魏勝字彥威淮陽軍宿遷縣人多智勇善騎射應募爲
弓箭手徙居山陽紹興三十一年金人將南侵勝躍
然曰此其時也聚義士三百北渡淮取漣水軍宣布
朝廷德意不殺一人漣水民翕然以聽遂取海州入
沂州解蒼山圍屢敗金人隆興二年以議和撤海州
戍命勝知楚州時和議尙未決金人乘其懈以舟載

器甲糗糧詐稱欲運糧往泗州由清河口入淮勝知其謀欲禦之安撫使劉寶以方議和不許金騎軼境勝帥諸軍拒於淮陽自卯至申勝負未決金軍贈生兵來勝與之力戰又遣人告急於寶寶在楚州相距四十里堅謂方講和決無戰事迄不發一兵勝矢盡救不至猶依土阜爲陣謂士卒曰我當死此得脫者歸報天子乃令步卒居前騎爲殿至淮陰東十八里中矢墜馬死年四十五事聞贈保寧軍節度使謚忠壯立廟鎮江號曰褒忠

宋史本傳

耿世安宋季爲武翼大夫淮東副總管兩淮都撥發官

淮安府志

卷之十九

忠烈

四

初諜報元兵至制置使賈似道調世安提兵往漣水軍贈戍衆方猶豫世安徑迎至漁溝以三百騎入陣鏖擊自午至酉身被七創猶能追殺潰兵收兵還至數里没事聞贈五官立廟淮安賜謚忠武

宋史忠義

傳

王孝忠宋季爲鎮江前軍統制兼淮東路分戍淮陰楊貴叛孝忠率衆迎戰勝氣百倍俄水軍統制朱信降賊孝忠孤軍力不敵死焉

宋史忠義傳

元

褚不華字君實隰州石樓人沉默有器局泰定間由監

察御史遷河西道廉訪僉事移淮東未幾陞副使汝
穎盜發勢張甚不華極力守禦多所斬獲且請和樞
密院老章判官劉甲守韓信城相犄角爲聲援復劾
總兵及諸將逗留罪朝廷錄其功陞廉訪使甲有智
勇戰輒勝不華賴之總兵聞不華劾已益恚嫉乃檄
甲別將兵擊賊甲去韓信城陷賊乃掘塹相銜犍水
寨以圍我旣而天長青軍叛普顏鐵木爾所統黃軍
亦叛賊皆挾之來攻不華知事危退入哈刺章營賊
稍引去乃出抵楊村橋賊奄至殺廉訪副使不達失
里啖其屍不華以餘兵入淮安時城東西南三面皆

淮安府志

卷之十九

忠烈

五

賊惟北門通沭陽阻赤鯉湖爲賊據沭陽路絕賊計
孤城可取進柵南鎖橋不華與元帥張存義出大西
門會僉事忽都不花兵突賊柵殊死戰賊敗走追北
二十餘里城中食且絕元帥吳德琇運糧萬斛入河
爲賊所掠德琇僅以身免賊與青軍攻圍益急總兵
者屯下邳遣使十九輩告急皆不應城中餓者仆道
卽取啖之草木螺蛤魚蛙燕烏及鞞皮鞍韉革箱敗
弓之筋皆盡而後父子夫婦老稚更相食撤屋爲薪
人多露處力盡城陷不華猶據西門力鬪中傷見執
爲賊所轡次子伴哥冒办護之亦見殺時至正十六

年十月乙丑也不華守淮安五年大小數百戰終與城俱亡追封衛國公謚忠肅

元史忠義傳

明

梅殷汝南侯思祖從子尚寧國大長公主靖難兵起殷充總兵官守淮安成祖假道殷絕之成祖乃渡泗水出六合至京師殷尙擁兵淮上成祖迫公主招殷殷得公主書慟哭詢建文君所在中使曰去矣殷曰君存與存君亡與亡吾姑忍俟之乃還京見上上曰駙馬勞苦殷曰勞而無功上銜之永樂三年死之

續文

獻通考

淮安府志

卷之十九

忠烈

六

武興宿州人本姓伍永樂間以驍勇立功賜姓武深沉有謀略正統初以都督僉事充漕運總兵鎮守淮安土木之難天下徵兵興督神機營與敵人戰於彰義門外興以神銃列前弓矢短兵次之報効內官數百騎列後陣敵稍却報効者爭功自後躍馬而出陣亂爲敵所乘興中流矢死謚忠毅贈山陽伯

山陽縣志

史可法字道憐大興人進士代朱大典督漕運劾罷督糧道三人贈設漕儲道一人大濬南河漕政大釐時武備久弛奏行更新八事十七年聞北都既陷縞衣發喪宏光既立論翊戴功進大學士與馬阮不協督

師淮揚分江北爲四鎮八月出巡淮安閱劉澤清士
馬請餉爲進取資十月高杰帥師北征可法赴清江
浦送之遣官屯田爲經略中原計諸鎮分汛地自王
家營而北最衝要可法自任之

大清兵入宿遷可法遣將禦之相持半月而解明年

大兵南下破揚州可法被執不屈遂殺之其家人葬其衣

冠於梅花嶺 明史本傳

淮安府志鎮撫大吏敘

郡志止守合而已志鎮撫大吏不已侈乎曰非也夫
召伯去而棠存羊公往而碑在彼其所治原非一州
一邑之地而後之人過其碑仰其樹留連感泣不能
自己豈不以其使節所臨仁風善政足以繫人遺思
哉淮安自東晉後世爲雄藩文武大臣歷代贈置
國朝漕河二院並建於此屹然江淮間一都會夫澤被
一鄉惠周一邑猶將尸而祝之况膺數十州之重寄
其治愈遠其功愈大尤不得與守令比故特標而出
之志鎮撫大吏

淮安府志卷之十九

鎮撫大吏

晉

祖逖字士穉范陽人慷慨有節尚元帝以逖爲豫州刺史渡江擊楫而誓辭色壯烈衆皆慨服屯於淮陰起冶鑄兵器得二千餘人而後進累立戰功黃河以南盡爲晉土逖居官儉約勸課農桑尅已務施不畜貲產百姓感悅卒贈車騎將軍民爲立祠

晉書本傳

郗鑒字道徽高平人明帝時拜車騎將軍都督徐兗青

三州軍事兗州刺史鎮廣陵時江左新創廣陵治淮

淮安府志

卷之十九

鎮撫大吏

一

陰故城祖約蘇峻反遣司馬劉矩領三千人宿衛京師鑒與寇密邇城孤糧絕人無固志流涕設盟誓討賊以匡社稷峻平拜司空加侍中

晉書本傳

蔡謨字道明陳留考城人郗鑒薨卽拜謨爲征北將軍都督徐兗青三州諸軍事鎮廣陵時石虎於青州造船數百掠緣海諸縣朝廷以爲憂謨隨宜修防甚有算略康帝時拜司徒

晉書本傳

苟羨字令則潁川人年二十八除北中郎將監徐兗二州諸軍事中興方伯未有如羨之少者羨北鎮淮陰屯田於東陽之石鰲斬慕容蘭以靖邊除散騎常侍

不拜追贈驃騎將軍

晉書本傳

謝元字幼度陳國陽夏人太傅安從子有經國才略爲桓豁司馬時苻堅強盛邊境數被侵寇朝廷求文武良將可鎮北方者安以元應詔拜建武將軍南兗州刺史監江北諸軍事太和四年堅將俱難等攻淮南元率兵三萬次白馬塘難迎戰於塘西元大敗之難退保盱眙元進攻又敗之退屯淮陰元率何謙等追之戰於君川復大敗之元還鎮廣陵八年堅復大舉入寇衆號百萬元復大破堅於肥水封康樂縣公還

鎮淮陰

晉書本傳

淮安府志

卷之十九

鎮撫大吏

二

宋

劉義慶宗室元嘉中都督南兗州徐兗青冀幽六州諸

軍事南兗州刺史

治淮陰

性簡素寡嗜欲受任歷藩無

浮淫之過

宋史長沙景王傳

梁

柳慶遠字文和河東解人累官右衛將軍魏宿預城請

降受詔爲援假節鎮淮陰魏軍退還京師慶遠在職

頗勵清節士庶懷之詔書稱其器識淹曠思懷通雅

卒謚忠惠

南史本傳

康絢字長明華山藍田人天啟二年假節督北兗州諸

軍事北兗州刺史

是時北兗州治淮陰詳見沿

絢在州三年大修

城隍號為嚴整謚曰壯

南史本傳

隋

賀若弼字輔伯雒陽人少慷慨有大志便弓馬解屬文

高祖受禪有併江南之志以若弼為楚州總管與韓

擒虎潛為經略若弼陣獻十策以開皇九年大舉伐

陳有功進爵宋國公

隋書本傳按若弼一稱吳州總管今從隋文帝本紀

唐

李承趙州高邑人德宗時累遷吏部侍郎淮南西道黜

陟使奏置常豐堰於楚州以禦海潮溉屯田瘠鹵收

淮安府志

卷之十九

鎮撫大吏

三

常十倍他歲

唐書本傳

南唐

徐鉉字鼎臣會稽人保大十一年冬築白水塘以溉屯

田遂詔州縣陂塘湮廢者皆修復之力役暴興楚州

人不堪其苦羣起為盜元宗使內侍車延規傳宏董

其事吏緣為奸強奪民田為屯田江淮騷然道路以

目鉉因奏事白之元宗乃遣鉉乘傳巡撫行視利害

鉉至楚州悉取所奪田還之於民詰責車延規欲榜

之又捕得賊首即斬於軍民困以蘇

十國春秋

宋

喬維嶽字伯周陳州南頓人仕宋累官淮南轉運使淮水東流三十里曰山陽灣水勢湍悍運舟多溺乃開故沙河自末口至淮陰磨盤口四十里又建安北至淮濫總五堰運舟所至十經上下重載者皆卸糧而過舟時壞失維嶽命剏二斗門於西河第三堰二門相距五十步覆以厦屋設懸門積水俟潮平乃泄之建橫橋岸上築土壘石以牢其趾自是弊盡革而運舟往來無滯贈兵部侍郎

宋史本傳

吳中甫江淮發運使自洪澤鑿渠六十里以避江淮漕

運之險

南畿志

淮安府志

卷之十九

鎮撫大吏

四

王宗望字礪叟光州固始人累官司農少卿江淮發運

使楚州沿淮至漣水風濤險舟多溺宗望開支氏渠

引水入運河公私咸利遷河北都轉運使

宋史本傳

張綸字公信潁州汝陰人少僮任氣累官江淮制置

發運副使奏除通泰楚二州鹽戶宿負官助其器用

歲贈課數十萬築漕河隄二百里於高郵北旁錮鉅

石爲十礎以泄橫流又築捍海堰一百五十里人多

德之

宋史循吏傳 按石礎即今減水壩捍海堰即今范公隄是也

蔣之奇字穎叔常州宜興人累官淮東轉運副使歲惡民流募使修水利以食流者活民八萬餘溉田九千

頃又請鑿龜山左肘至洪澤爲新河以避淮險自是無覆溺之患又薦孝子徐積每行部必造之

宋史本傳

孫長卿字次公揚州人知楚州糧料院郡倉積米五十萬陳腐不可食主吏皆懼長卿爲酌新舊均溲之累遷江浙荆淮發運使歲漕米至八百萬或疑其多長卿曰吾非欲事羨贏以備饑歲耳長卿居官清潔歷龍圖閣學士兵部侍郎

山陽縣志

韓世忠字良臣陝西延安人風骨偉岸勇力絕人建炎六年授京東淮東路宣撫使置司楚州披草萊立軍府夫人梁氏親織薄爲屋撫集流散通商惠工山陽

淮安府志

卷之十九

鎮撫大吏

五

遂爲重鎮劉豫聚衆淮陽世忠引軍度淮旁符離而北轉戰數十里至其城下爲其所圍奮戈一躍潰圍而出旣而圍淮陽賊堅守不下兀術與劉猺皆至世忠勒陣向敵遣人語之曰錦衣驄馬立陣前者韓相公也或危之世忠曰不如是不足以敵敵果出殺其導戰二人遂引去尋歸楚州淮陽民從而歸者以萬計帝在平江世忠自楚州來朝邊報急引兵渡淮與金將訛里也力戰却之劉猺將寇淮東爲世忠兵扼不得進金人廢豫中原震動世忠謂機不可失請全師北討招納歸附爲恢復計會秦檜主和議命世

忠徙屯鎮江世忠言金人詭詐恐以計緩我乞留此軍蔽遮江淮又力言和議之非帝率優詔褒荅金使以詔諭爲名世忠凡四上書言不可許兵馬最重處臣請當之旣而伏兵洪澤鎮將殺金使不克九年授少師十年擊金人於泲口敗之進太保十一年兀朮圍濠州世忠與之戰於淮岸金人渡淮北去自是不復入侵世忠在楚州十餘年兵僅三萬而金人不敢犯秦檜收三大將權拜樞密使遂以所積軍儲錢百萬貫米九十萬石酒庫十五歸於國連疏乞解樞柄

封福國公贈蘄王

宋史本傳

淮安府志

卷之十九

鎮撫大吏

六

陳敏字元功贛之石城人積官武鋒軍都統制戍高郵與金人戰射陽湖敗之焚其舟召爲驍騎上將軍言事者議欲戍守清河口敏言金兵每出清河必遣人馬先自上流潛渡今欲必守其地宜先修楚州城池蓋楚州爲南北襟喉彼此必爭之地長淮二千餘里河道通北方者五清汴渦潁蔡是也通南方以入江者惟楚州運河耳北人舟艦自五河而下將謀渡江非得楚州運河無緣自達昔周世宗自楚州北神堰鑿老鸛河通戰艦以八大江南唐遂失兩淮之地由此言之楚州實爲兩朝司命願朝廷留意乃詔與楚

州守臣左祐同城楚州祐卒遂移守楚州北使過者

觀其雉堞堅新號銀鑄城

宋史本傳

陳損之紹興五年爲淮東提舉上言高郵楚州之間陂湖渺漫葑蕀彌滿宜剏立隄堰以爲瀦泄庶幾水不泛溢旱不乾涸乞興築自揚州江都縣至楚州淮陰縣三百六十里又自高郵興化至鹽城二百四十里其隄岸旁開一新河以通舟船仍存舊堤以捍風浪栽柳十餘萬株數年後堤岸亦牢其木亦可備修補之用兼揚州墟鎮舊有隄閘乃泰州泄水之處其閘壞久亦於此剏立斗門西引盱眙天長衆湖之水起

淮安府志

卷之十九

鎮撫大吏

七

自揚州江都經由高郵及楚州寶應山陽北至淮陰西達於淮又自高郵八興化東至鹽城而極於海又泰州海陵南至揚州泰興而徹於江共爲石礎十三斗門七乞以紹興堰爲名鑿諸堅石時淮田多沮洳賴損之築隄捍之得良田數百萬頃

崔與之字正子廣州人嘉定中主管淮東安撫司事時楚州工役繁夥士卒苦之叛入射陽湖亡命多從之者與之給旗帖招之衆聞呼皆至首謀者獨遲疑不前擒戮之分其餘隸諸軍後召爲秘書少監軍民遮

道流涕

宋史本傳

趙善湘字清臣淮南轉運判官以平楚州叛寇劉慶福等功累進煥章閣直學士李全犯淮東爲江淮制置使專征討全誅進兵部尚書以恢復泰州淮安鹽城

淮陰四城封天水郡公

宋史本傳

趙范趙葵衡山人父方京湖制置使范葵隨父征討屢立戰功李全據淮安逆謀彰露葵上書請討鄭清之贊決之時李全自青州降元後復歸淮安有覲臨安之意值范葵丁母憂詔起復范爲淮東安撫副使葵提點淮東刑獄范卒哭視事請罷調停之議傳檄調兵又檄射陽湖人爲兵分屯扼賊前後李全破泰州

淮安府志

卷之十九

鎮撫大吏

八

進攻揚州范與葵合兵屢戰皆捷遂斬全於新塘羣賊猶在山陽推楊氏爲主范葵步騎十萬發揚州追賊於灣頭以舟師入射陽湖擊賊於喻口岡門又分兵進屯平河橋擒斬甚多遣別將破賊砦於壽河於港口諸軍薄淮安城下賊大敗楊氏絕淮而去淮安悉平范葵兄弟之功也范進淮東安撫使葵爲淮東

制置使

宋史趙葵傳李全傳

余玠字義夫蘄州人少爲白鹿洞諸生時趙葵爲淮東制置使玠作長短句上謁葵壯之留幕中累官制置司叅議官與元兵戰有功授淮安提點刑獄兼知淮

安州淳祐元年提兵援安豐拜大理少卿制置副使
後大著功名於西蜀

宋史本傳

元

張漢英至元六年授昭毅將軍鎮守淮安安東海甯萬

戶府萬戶治軍旅修學宮民歌思之

安東縣志

梁曾字貢父燕人至元間出使安南授淮安路總管而

行至安南宣布威德贈遺一無所受使還上大悅賜

金幣乘傳之淮安任興學校勵風俗仁宗朝授昭文

館學士延祐賜寓居淮南以書史自娛

元史本傳

明

淮安府志

卷之十九

鎮撫大吏

九

薛祥字彥祥無爲州人洪武元年授京畿都轉運使淮

安分司濬河築隄自揚達濟數百里徭役均平民無

怨言元都下官民南遷道經淮安祥多方存恤山陽

民亂駙馬都尉黃琛捕治誣誤甚衆祥會鞫無驗者

悉原之治淮八年民相勸爲善及考滿還京皆焚香

祝其再來或肖像祀之

明史本傳

陳瑄字彥純合肥人永樂初以平江伯充總兵都督帥

舟師海運瑄起隄自海門歷通泰北至鹽城凡八百

里爲海運表識後開會通河罷海運造淺艍二千艘

歲運二百萬石後贈至五百萬疏清江浦引水由管

家湖入鴨陣口達淮就管家湖築堤十里以便引舟
淮濱作常盈倉五十區貯江南輸稅徐臨清德州皆
建倉便轉輸河淺處輒膠舟濱河置舍五百六十八
所舍置淺夫俾導舟緣河隄作井樹木便人行宣德
六年上言江南之民運糧赴臨清淮安徐州往返一
年失悞農業而湖廣江西浙江及蘇松安慶軍士
每歲以空舟赴淮安載糧若令江南民撥糧與附近
衛所官軍運載至京量給耗米及道里費則軍民交
便詔行之更民運爲兌運自此始八年卒祠清江浦

明史本傳

淮安府志

卷之十九

鎮撫大吏

十

黃福字如錫昌邑人洪武中以太學生上書論國家大
計受知太祖超拜工部右侍郎宣德四年以工部尚
書與平江伯董漕事議令江西湖廣浙江及江南北
諸郡民量地遠近轉粟於淮徐臨清而令軍士接運
至北京民大稱便復上言足食之要謂永樂間雖營
建北京南討交趾北征沙漠資用未嘗乏比國無大
費而歲用僅給倘有水旱征調將何以濟請役操備
營繕軍士十萬人於濟寧以北衛輝真定以東緣河
耕種初年自食次年人收五石三年收倍之既省京
倉口糧六十萬石又省本衛月糧百二十萬石歲可

得二百八十萬石帝善之下行在戶兵二部議事雖未及行而帝出其疏示楊士奇曰福言智慮深遠六卿中誰倫比者

明史本傳

虞謙字伯益金壇人永樂間右副都御史巡視淮鳳疏民疾苦請發廩賑貸贖還所鬻子女

明史本傳

王瑜字廷器山陽人宣德八年以都指揮僉事充左副總兵代陳瑄鎮淮安董漕運累進左軍都督僉事在淮數年守瑄成法不變有善政民有親在與弟訟產者瑜曰訟弟不友無親不孝杖而斥之又有負金不能償至翁壻兄弟相訟者瑜曰奈何以財故傷恩卽

淮安府志

卷之十九

鎮撫大吏

十一

代償勸其敦睦二卒盜敗舟一板有司以盜官物坐卒死瑜曰兩卒之命抵敗舟一板耶竟得末減歲凶發官廩以賑

見明史陳瑄傳

王竑字公度河州人歷官右僉都御史英宗北狩廷擊馬順至死景泰三年巡撫淮揚等處先是淮安鳳陽徐州大水道壅相望上疏奏不待報開倉賑之後山東河南饑民至廩不能給乃盡發徐州廣運倉餘積全活百餘萬人自劾專擅罪頌聲大作初帝聞淮鳳饑憂甚及得自劾疏喜曰賢哉都御史活我民矣天順初石亨阿指追論廷擊事放歸七年復命督漕

撫淮揚淮人聞再至歡呼迎拜數百里不絕

明史本傳

傳

陳泰字吉亨光澤人舉鄉試第一景泰三年命督治河道自儀真至淮安濬渠八十里塞決口九築埧三役六萬人數月而畢天順八年進右副都御史總督漕運兼巡撫淮揚諸府靜鎮簡易軍民不擾奏恤水災免追馬匹行均徭法輕重有差宿弊盡革民賴以安

蒞淮三年謝政歸

明史本傳及山陽縣志

滕昭字自明汝州人成化二年右副都御史督漕推誠

待物忘勢下賢官民服其威量所部連歲大饑加意

淮安府志

卷之十九

鎮撫大吏

十二

賑貸又奏准瓜

瓜洲

淮水次兌運下年俱過江就各

水次兌運以爲例後來便之

山陽縣志

陣濂字德清鄞縣人成化五年總督漕運德量深沉操行貞介禮賢下士以博咨訪整理漕法勤疏濬嚴監督立程度輸役無後期請免運船帶磚納鈔旗丁便之奏留守穆盛害人不法等事坐盛於法吏民畏服

調撫河南北直八年以漕運事重命再任

廣輿記

張鵬字騰霄涑水人進士成化七年總督漕運奏准運糧軍缺許於城操雜差內選補八年盜發境內鵬以

恩信爲治逾年盜息民安

山陽縣志

李裕字資德豐城人進士成化十年總督漕運兼巡撫濬白塔孟溝二河以便漕張秋南旺及淮安西湖舊編木捍衝激勞費無已裕與郎中楊恭等謀易以石遂爲永利淮鳳大饑而太僕徵預備馬二萬匹裕諭罷之在淮六年每歲八計事陳利病多施行明史本傳

張瓚字宗器孝感人進士成化十五年總督漕運兼巡撫十八年歲大祲疏請賑濟發銀五萬兩復勅瓚移淮安倉糧分賑而瓚已卒瓚嘗上書言宋儒胡瑗明聖人體用之學以經術教授蘇湖或陞從祀或建事祠事下禮部覆准今淮郡有安定專祠明史本傳

淮安府志

卷之十九

鎮撫大吏

十三

李綱字廷張長清人進士成化間督漕運與平江伯陣銳共事踰年卒銳見笥中惟敝衣揮涕曰君子也爲具棺斂聞其清節於朝賜祭葬見明史李侃傳

陳銳瑄曾孫嗣伯成化間鎮淮揚督漕運建淮河口石閘築隄疏泉修舉廢墜總漕十四年章數十上日本貢使買民男女數人以歸道淮安銳留不遣贖還其家淮揚饑疫煮糜施藥多所存濟見明史陳瑄傳

馬文升字負圖鈞州人進士成化二十一年督漕運淮徐和饑移江南糧十萬石鹽價銀五萬兩賑之文升爲政剛明果斷搜剔宿弊法令一新紀綱大振王世貞史

料

李蕙字德馨當塗人進士宏治九年督漕運前後二十餘疏奏定江南造船料價期限並定運糧軍職勤惰及逃軍問發沿邊守墩江廣僻遠山縣兌運糧米折銀給軍爲輕賚外江漂流船有司勘實免追問等事俱情法兼盡蕙爲人疏達明敏遇事能變通法務平恕尤以謙謹自持人無可議

山陽縣志

張敷華字公實安福人進士宏治十二年總督漕運首黜武臣無良者立何氏徐氏雙烈祠以崇節義權貴千請不納近例漕司多假太倉官銀敷華謂逋負乃

淮安府志

卷之十九

鎮撫大吏

十四

下剝上攘所致而官爲借貸大非政體嚴禁之高郵諸湖隄圯濬深溝以緩水勢築長隄以捍之民利賴焉

山陽縣志

張縉字朝用陽曲人進士宏治十六年督漕運造舟之價必預給漕卒必選補精壯者淮揚歲飢奏留米數萬石賑濟陞南京戶部尚書忤劉瑾罷歸未幾仍督漕運境內累經兵火民物凋瘵縉加意撫綏以老乞休疏七上致仕

山陽縣志

顧仕隆鎮遠侯成孫嗣侯正德初漕運總兵數請恤軍卒鎮淮安十餘年以清白聞武宗南巡江彬橫甚折

辱諸大吏惟仕隆不爲屈 見明史顧成傳

邵寶字國賢無錫人進士正德四年督漕運劉瑾擅政寶至京絕不與通瑾怒漕帥平江伯陳熊欲使寶劾之校尉危言相恐寶曰平江功臣後督漕未久無大過不知所劾勒致仕去寶學術醇粹歷任有聲著有

漕政舉要諸集學者稱二泉先生 明史儒林傳

陶琰字廷信絳州人進士正德初總督漕運六年轉南京刑部侍郎復命總督漕運七疏乞歸世宗卽位起故官凡三督漕軍民習其政不嚴而肅琰性清儉飯惟一蔬每到官及罷去行李止三竹筒 明史本傳

淮安府志 卷之十九 鎮撫大吏 十五

叢蘭字廷秀文登人進士正德十年總督漕運尋兼巡撫江北中官劉允取佛烏思藏道淮安入謁辭不見允需舟五百餘艘役夫萬餘人蘭馳疏極陳其害不報居四年解漕務專任巡撫蘭公明仁信崇尚大體搜宿弊改條約著漕運錄若干卷 明史本傳

臧鳳字瑞周曲阜人進士正德十三年督漕運悉心經畫廉果剛明賞罰允當除革侵欺宿弊官軍餽贈者槩爲禁絕兌運躬督兼省視河道令肅風清官旂畏懼十六年兼巡撫 山陽縣志

俞諫字良佐桐廬人進士嘉靖元年督漕運兼巡撫至

則清寃獄黜貪吏境內肅然減推挽之費三分折一
上下稱便歲饑發粟賑濟全活甚衆賊寇河南下車
未幾平之

山陽縣志

高友璣字肅政樂清人進士嘉靖四年督漕運討征鹽
徒渠惡而招徠其衆革驛傳費一清宿弊友璣爲人

恪恭嚴整善守成法

山陽縣志

唐龍字虞佐蘭谿人進士嘉靖七年督漕運兩淮連歲
災困吏不能恤乃首頌吏誠以警有位茲淮二年吏
畏民懷重修節孝祠以表彰先哲詔入爲副都御史
淮人遮道泣留續像祠之

山陽縣志

淮安府志

卷之十九

鎮撫大吏

十六

劉節字介夫大庾人進士嘉靖九年督漕運卽疏漕政
五事曰僭轉運責久任申考察省查黜禁盤剝巡撫
五事曰治水患足食廩寬馬政豁重課革冗員猶慮
綜理未周復申議漕政八事巡撫六事次第行之

山陽

縣志

顧寰仕隆子嗣侯嘉靖十八年爲漕運總兵獻皇后梓
宮赴承天漕舟以避梓宮後期者三千而江南北多
災傷寰請被災地停漕一年令改折色軍民交便又
條上漕政七事竝施行諸爲漕蠹者病之遂布蜚語
被劾已按驗不實復命鎮淮有禦倭功

見明史
顧成傳

龔輝字實卿餘姚人進士嘉靖二十七年總督漕運時
河流忽東南注淮市廛幾大決議者以爲必先上聞
輝曰民危在旦夕而循故事待報耶亟下令就決口
築堤塞土於破舟沉之旋壓以石水勢漸平隄成淮
人立碑以紀其功

山陽縣志

鄭曉字室甫海鹽人進士以忤嚴嵩貶和州同知歷陞
兵部侍郎兼副都御史總督漕運大江南北皆中倭
患漕艘幾阻曉請發帑金數十萬造戰舸築城堡練
兵將積芻糗詔從之中國奸民利倭賄多與通營砦
皆據要害盡知官兵虛實曉縣重賞捕戮之募鹽徒

淮安府志

卷之十九

鎮撫大吏

十七

驍悍者爲兵贈設戍墩遂破倭前後斬首九百餘賊
潰去時賊多中國人曉言武健才諳之徒困無所逞
甘心作賊非國家廣行網羅使有出身之階恐有如
孫恩盧循輩出乎其間帝頗採納之

明史本傳

李遂字邦良豐城人進士嘉靖三十六年倭擾江北廷
議以督漕都御史兼理巡撫不暇辦寇請特設巡撫
乃命遂以故官右僉都御史撫淮揚四府

駐泰州

時淮

揚三中倭歲復大水遂請餉贈兵次第畫戰守計三
十八年四月倭數百艘寇海門遂語諸將曰賊趨如
臯其衆必合合則侵犯之路有三由泰州通天長鳳

泗陵寢驚矣由黃橋逼瓜儀以搖南都運道梗矣若從富安沿海東至廟灣則絕地也乃命將扼如皋而身馳泰州當其衝賊知有備沿海東掠遂喜曰賊無能為矣遂致賊於廟灣復慮賊突淮安乃夜半馳入城賊尋至遂督諸將禦之姚家蕩通政唐順之副總兵劉顯來援追奔至新河口焚斬甚衆賊以餘衆保廟灣攻之月餘不克遂塞塹夷木壓壘陳火焚其舟

賊乘夜雨潛遁官軍據其巢追奔至鰕子港江北倭

悉平

明史本傳又山陽縣志詳載嘉靖丙辰倭寇淮揚李遂為督撫其子材上春官年二十餘適在

署中兄勢急援兵未至白於父發漕司庫金募敢死士三千給兵仗自將奮擊大破之馳歸不顯其功沈

淮安府志

卷之十九

鎮撫大吏

十八

晴峰在圍城中親筆於書按材為王畿鄒守益門人學者所稱見羅先生也本傳不載此事考其宦蹟於隆萬間最號知兵則知此事當屬不誣故附錄之

王廷字子正南充人進士嘉靖三十九年總督漕運時

倭亂未靖淮安大饑廷與巡按御史奏留商稅饟軍

被詔切讓廷卒行之軍食以充

明史本傳

王宗沐字新甫臨海人進士隆慶五年總督漕運時運

道稍梗逾年乃達京師宗沐建議河海並運博採羣

言凡庇材治舟循海駐泊以及候風望氣占星禱驗

諸術考覈甚精建鎮海金神廟於新城東門外條上

便宜七事詔從之遂以六年二月運米十一萬石自

淮入海五月抵天津敘功進秩賚金幣

廣輿志

吳桂芳字子實新建人進士萬歷三年總督漕運明年春桂芳以淮揚洪潦奔流惟雲梯關一徑入海致海湧橫沙河流泛溢而興鹽諸縣所在受災請益開草灣及老黃河故道以廣入海之路事下所司議行未

幾草灣河成命桂芳兼理河漕

明史本傳

舒應龍全州人進士萬歷初兵備副使自宏治後河淮交會下清江浦衝相家灣過新城北門外經仁義禮智信五壩有齧隄薄城之患應龍議由草灣開河以殺其勢屢塞屢開厥後南灘水緩沙停大流盡歸草

淮安府志

卷之十九

鎮撫大吏

十九

灣新河去城甚遠於是故道悉淤三城恃以無恐至於今不易

潘季馴字時良烏程人進士萬歷五年河決崔鎮黃水北流清河口淤澱全淮南徙高堰湖堤大壞淮揚高寶間皆爲巨浸會河漕尚書吳桂芳卒六年夏命季馴代之季馴以故道久湮雖濬復其深廣必不能如今河議築崔鎮以塞決口築遙堤以防潰決又淮清河濁淮弱河強河水一斗沙居其六伏秋則居其八非極湍急必至停滯當藉淮之清以刷河之濁築高堰束淮入清口以敵河之強使二水並流則海口自

濬遂條上六事詔如議明年冬兩河告成季馴凡四

奉治河命前後二十七年習知地形險要贈築設防

置官建閘下及木石椿埽綜理織悉積勞成病三疏

乞休不允

明史本傳 按潘公爲治河第一名臣舊志失載蓋以是時總河不治淮安故也考明史潘公繼吳桂芳後爲河漕尚書淮安正其開府之處故當補入

游季勲豐城人進士萬歷五年淮徐兵備副使值都御

史潘季馴大治河往復勘議季勲謀畫爲多晉漕運

參政剔除宿弊令行禁止人畏而愛之其任淮徐也

值大饑賑濟有方鹽城所隸揚州衛者僉謂奉旨賑

淮不聞賑楊季勲曰蔡人亦吾人使饑餓於我土地

淮安府志

卷之十九

鎮撫大吏

二十

忍乎力持槩賑所活數千人

山陽縣志

傅希摯北直衡水人進士先爲淮郡守釐弊肅法冰蘖

自厲遷淮揚兵備副使禦倭有方萬歷十一年以戶

部侍郎兼右都御史督漕河事號令嚴明凡飭漕濬

河皆先期集事却饋遺無所受回部日檢點箱笥令

羣掾登籍僅得玄紵一絢笑以賜羣掾人裂尺許有

繪公貌於其上而祀者傅爲佳話

山陽縣志

李世達字子成涇陽人進士萬歷十二年督漕運兼巡

撫鳳陽黃河南侵淮安告警世達修築石隄捍城淮

人賴之

明史本傳

楊俊民字伯章蒲州人進士萬歷十三年總理河漕時
河海並漲挽運甚艱俊民開洲港數里以便漕舟停
泊未及半載數千艘已報過港上嘉之未幾還部所
裁節諸費留公府者八萬餘金以抵正供俊民體貌
魁岸瞻視有威深沉樸茂不媿名臣云 山陽縣志

馮敏功字元卿平湖人進士歷官淮徐兵備副使甫至
河決與僚屬分任塞口興築二百八十餘里蔽以遙
隄殺以月隄指畫皆當 山陽縣志

李戴字仁夫延津人進士萬歷二十年以戶部尚書督
漕運寬仁博大不事綜核惟務與民休息屬吏稟成

淮安府志

卷之十九

鎮撫大吏

二十一

罔敢軼越雖運道維艱而牽輓飛渡不致後期境內
饑請大賑全活多人 山陽縣志

褚鈇榆次人進士萬歷二十二年總督漕運時泗州被
水河臣定議分黃導淮鈇反覆辨論親勘博咨知黃
卒不能分也倭寇孔亟簡詰軍伍選練將士軍聲大
振乃繩貪吏蘇驛弊清直儉約政化大行十疏乞休
人服其高 山陽縣志

李誌字廷新縉雲人進士萬歷二十六年撫江北督漕
務度量寬宏臨事擔荷規畫詳密號令嚴明繕治營
房整頓卒伍以朝命中使出督商稅上疏力爭詔令

致仕人咸惜之 山陽縣志

李三才字道甫通州人進士萬歷二十七年督漕運兼巡撫時礦稅使四出諸大璫盤踞千里間延引奸徒僞鏤符印所至若捕叛亡公行攘斂數窘辱長吏獨三才以氣凌之裁抑其瓜牙肆惡者且密令死囚引爲黨輒捕殺之璫爲奪氣然奸民以礦稅故多起爲盜聚亡命署僞官期明年二月諸方並起謀泄皆就捕三才再疏陳礦稅之害言陛下愛珠玉民亦慕溫飽陛下愛子孫民亦戀妻孥陛下欲崇聚財賄而不使小民享升斗之需欲綿延萬年而不使小民適朝

淮安府志

卷之十九

鎮撫大吏

二十二

夕之樂自古未有朝廷之政令若此而可幸無亂者今闕政猥多而陛下病源則在溺志貨財臣請渙發德音罷除天下礦稅欲心旣去然後政事可理踰月未報三才又上言聞近日章奏凡及礦稅悉置不省此宗社存亡所關一旦衆叛土崩卽黃金盈箱明珠填屋誰爲守之亦不報清口水涸阻漕三才議濬渠建閘費二十萬請留漕粟濟之督漕侍郎趙世卿力爭三才遂引疾去 明史本傳

董漢儒開州人進士萬歷二十九年任漕儲道叅政坦易有爲時鹽城各縣漕粟與鳳陽衛船交兌每歲必

閔致誤運事漢儒建倉河上平定甬斛後遂無敢譁者清河口涸阻運艘五千餘隻時米價騰貴軍卒呼庚癸欲爲亂漢儒建議豫給三月糧反側遂安山陽縣志施爾志嘉興人進士萬歷三十八年任漕儲道叅政知全漕積弊由於軍疲加意噢咻之務去其所苦事求經久可行者懲剔奸蠹獎勵材官牽輓飛渡京坻日

積山陽縣志

陳薦祁陽人進士萬歷四十年督漕運撫江北初造船董於武弁薦以漕之命在船乃請設東河西河兩同知以重其任更定漕糧水次以均甘苦東省大饑流

淮安府志

卷之十九

鎮撫大吏

二十三

民入淮繪圖請賑活十數萬人去官日括所遺公費七千金置學田以贍寒士山陽縣志

王紀字惟理芮城人進士萬歷四十五年督漕運值歲稔疏請改折漕糧留稅蠲賑濟之奸民武吾空以左道煽衆聚徒稱兵亟掩捕之其黨立散請謚宋丞相陸秀夫以風忠義遼左失律呼庚癸督餉大臣責淮餉由海道者取數贈多紀再疏駁之派定運船水次凡折乾會籌插和盜賣勒軍私兌之弊皆嚴禁之積

玩始振

山陽縣志

宋統殷卽墨人進士由徐州管倉郎中守淮廉介自持

爲地方計無所不周淮河交漲負薪塞決奔走泥淖
中白蓮賊鴟張措餉治兵百務俱辦撫按採羣議請
於朝設淮海道擢統殷爲兵備副使統殷親巡至徐
州平賊立功淮設監司自此始

山陽縣志

岳駿聲嘉興人進士萬歷四十九年任漕儲道剔弊釐
奸時妖寇阻絕運道駿聲訓練漕卒軍聲克振漕蓮
無阻

山陽縣志

呂兆熊字渭陽柏鄉人進士天啓三年總督漕運白蓮
教起計擒首惡周志德等

山陽縣志

徐節任淮徐道故事驛馬辦自富室斃則責其償補厲

淮安府志

卷之十九

鎮撫大吏

二十四

民莫甚節酌定上中下之值聽各邑自買與富室無
涉民大稱便至栽石山驛開新河皆節主其議也

廣與

記

李待問字葵孺南海人進士崇禎初督漕運整頓漕務
早抵京數月秩滿進戶部侍郎仍督運務塞河決修
隄防請恤蝗潦減疲邑徵催至犒兵賑濟築壩皆罄
俸爲之

山陽縣志

劉若金湖廣人進士崇禎初任淮海道法令嚴明吏民

畏服

山陽縣志

朱大典字未孩金華人進士崇禎八年流寇陷鳳陽焚

陵殿特命總督漕運巡撫江北時寇躡中原難民南徙避亂又值歲祲餓殍載道乃倣常平倉遺意平價而糴民賴以不饑一破賊於壽州再破賊於滁州九年賊犯園寢授計總兵楊御蕃迎擊走之時海內擾攘大典在淮益振厲風紀扶植士氣郡城東南巽地最高建龍光閣以培文風又修書院以隆作養後科第不絕明亡闔門殉節

山陽縣志

路振飛字見白曲周人進士崇禎十六年總督漕運時明祚已危流賊載道漕艘多不前振飛意氣激昂益催趲糧運練鄉兵招義勇以圖保全甲申正月傳聞

淮安府志

卷之十九

鎮撫大吏

二十五

闖賊渡河振飛分布將弁金聲桓劉世昌周仕鳳趙彪倪鸞等分守淮徐鳳督馬世英以書迎高傑兵駐徐州振飛與巡按御史王燮防禦之傑不敢犯截留漕米四十萬石軍食以充三月國變後猶磔叛賊呂弼周僞遊擊王富於皇華亭發兵平董賊於宿遷擒斬叛將趙宏禎等時南畿擁立福王馬阮濁亂朝政以其私人田仰代振飛而劉澤清已封伯開鎮於淮安民心涵涵振飛撫慰之會丁母憂去

順治四年將赴永明王召卒於途

山陽縣志

王燮字雷臣宛平籍黃陂人進士知祥符縣禦流寇有

功擢御史巡按江北甲申四月北信斷絕公秩滿當去念淮安爲南北要地誓以死守與漕撫路振飛嘵血同盟發漕粟以賑貧民截留浙閩餉十九萬兩以犒將士時總兵劉澤清兵至宿遷公單騎至其營責以大義澤清不敢動擒造譌倡亂者斬之招集逃散居民悉令還家逆闖有僞使招撫淮安左右惶惑公斬使焚檄列兵守清河口訓練水師於清江浦之東湖擒斬僞官呂弼周武愷等賊聞風遠颺淮郡賴其保全

國朝擢山東巡撫又擢操江總督皆以疾辭

山陽縣志

淮安府志

卷之十九

鎮撫大吏

二十六

徐標進士崇禎間任淮安道時流寇焚劫鳳陽標訓兵整伍防禦嚴明漕撫路振飛巡按王燮資其贊畫焉

守淮日記

國朝

沈文奎字清遠滿洲籍會稽人累官總督漕務綜理周密未幾擢宏文院學士文奎去淮後繼任者過於寬厚又添設理漕部堂駐劄新城吏胥暴橫虐民復以文奎督運羣小屏跡人心始安會膠州守將海行時叛南趨淮徐聲息涵涵文奎出師會勦乘大霧四合長驅先入破之

山陽縣志

卞三元字月華遼東人順治四年任淮海道副使時海
內初定人懷風鶴鹽城頑民厲豫倡亂攻淮之新城
火光徹天三元擐甲登俾守舊城人賴以安賊平理
漕部堂將肆誅淮人又力持之賴以保全者甚衆

山陽縣志

蔡士英字伯彥其先世宿遷人世官遼左順治十一年
總督漕運清釐積弊撫恤軍民疏請改長運爲轉運
不允陳漕政五事漕弊九事又請裁領運都司定水
次領兌之規減額丁銀蠲荒賦以蘇積困皆報可十
四年致仕歸淮民思之十六年海寇犯江南淮安震

淮安府志

卷之十九

鎮撫大吏

二十七

恐

廷議起士英兵部尙書復蒞淮軍民大悅士英撫綏倍
至疏濬澗河修龍光閣治文渠溝開城西水門引活
流入泮池遶兩學前訓課士子文風大振

山陽縣志

霍炳字劍寒青城人進士順治十五年任淮海道丰采
嶽立廉明有威明年海鯨入犯江淮大震炳繕治城
隍申嚴軍令晝則飭河防僂漕運夜則鳴刁斗懸燈
樹幟望若火城百姓恃以無恐

山陽縣志

林起龍字北海大興人進士代蔡士英督漕運嚴禁運
丁不得病民運弁不得病丁夙弊頓除奸蠹屏跡濬

濟汶泉源以便輓運而淮口北岸淤沙日長起龍謂數年後淮弱黃強高堰必危後果如其言練淮兵三千皆成勁旅李二和尚者沂海間劇盜也枝黨蔓延觀釁而動起龍以計擒殺之淮北遂安乃修繕城池贈治樓櫓金湯屹然暇則讀書課士子以培育人材起龍清廉忠直不邇聲色以不能媚人左遷歸里行李蕭然道路嘆息 山陽縣志

淮安府志

卷之十九

鎮撫大吏

二十八

淮日百姓攀送不絕

山陽縣志

帥顏保滿洲人康熙八年任漕運總督年未三十寬仁靜正三藩之變煽動江西保統率淮兵駐防吉安城賊皆逃散凱旋歸淮值決口水災淮揚饑饉多方賑之贖還江西被掠婦女不可勝計在淮十年淮民安之康熙二十年奉

旨崇祀名宦祠

徐旭齡字敬菴錢塘人進士康熙二十四年總督漕運盡抉軍民困苦列爲籌三便釐三害等疏

上嘉納之淮揚大水爲災疏請蠲賑明年徐州旱蝗

上遣官賑濟諭曰凡事與總漕徐旭齡商酌而行旭齡至徐

州步禱甘雨大降遂有秋澗河淤淺積水爲患旭齡

屢議疏濬工雖未興淮人感之

山陽縣志

魯超字謙菴會稽人歷任淮揚道副使時議挑下河閉

運河諸閘洞而民間方需水栽秧滿城涵涵超請於

上憲得不閉屯田初興將丈量山陽田地山陽以京

田折爲時田相沿已久載在順治初年由單人心惶

懼莫敢言超毅然執由單言之得以無事

山陽縣志

興永朝遼東人康熙三十一年任漕運總督時郡三城

頽壞澗河湮淤議挑久不決永朝負幹畧有擔當捐

淮安府志

卷之十九

鎮撫大吏

二十九

貲修城不費民間絲粟數月間舊城完固澗河不挑

病在缺費永朝秉公酌派不徵銀而分工士民歡趨

或各挑田頭或願捐工費數月間澗河大濬以隆冬

罷役方候春初竣工忽奉

內命以去淮人惜之

山陽縣志

張萬春遼東人康熙間任淮揚道一塵不染粗糲自甘

洞悉民隱痛除弊政百姓有官清民自安之謠

山陽縣志

劉國靖分巡淮揚道值歲饑加意撫循申請各憲題免

逋賦設廠賑濟全活甚衆奉委修學竭力佐工

山陽縣志

靳輔字紫垣奉天人由翰林院編修巡撫安徽晉兵部

尚書總督河道甫莅任卽大挑山清高寶四州縣運河及清口以下至海口河道詳審兩河全局上陳經理河務事宜八疏悉奉

俞允大發帑金專任委成輔於是開浚引河修築遙隄縷隄創立減壩坦坡大築高堰堵塞翟壩使淮水會河河水入海運道通行無阻復請開中河三百餘里令漕艘由仲家莊閘而上卽今中河避百八十里黃河湍悍之險勞績茂著輔嘗持議謂治下河當竟治上河濬海口則引潮內侵爲非計與衆不符自康熙十六年至三十一年凡三膺

淮安府志

卷之十九

鎮撫大吏

三十

簡命

聖祖有實心任事之褒旣老病寢劇又疏陳兩河善後之策請豁開河築隄廢田之糧並請清淤出地畝之賦卒賜祭葬謚文襄四十六年奉

旨沿淮軍民感誦斬輔治績衆口如一久而不衰着贈

太子太保仍給世職拜他喇布勒哈番爲矢忠宣力者勸輔所著奏疏八卷治河書十二卷雍正十二年奉

旨崇祀賢良祠

通志

施世綸字潯江晉江籍鑲黃旗人累官總督漕運革羨

金劾貪弁除蠹役號稱嚴明

通志

張鵬翮字運青遂寧人庚戌翰林康熙三十九年總理河道首陳河工錢糧冒濫屬員因循積弊多所振刷恪遵

聖祖指授方畧遍行履勘殫心經畫拆攔黃壩使黃水暢達入海堅築高堰廣闢清二使淮水暢流匯黃疏人字芒稻等河使運河水注江築挑水壩疏陶莊引河使清水敵黃永無倒灌之虞挑蝦鬚等河引下河積水入海復疏請改中河於三義壩因築堤攔舊中河水入新中河自是每歲糧艘通行無滯又開張福口引河會裴家場河諸水併力助淮逼黃大溜向北黃淮淮安府志

卷之十九

鎮撫大吏

三十一

皆循故道入海歷陞戶部尚書謚文端所著有河防記雍正十二年奉

旨崇祀賢良祠

陳鵬年字北溟湘潭人進士初知山陽有政績康熙六十年署河道總督尋奉

世宗特旨授總督河道兵部侍郎時漕渠淺涸遣幹吏直溯淮源疏其上流使清水暢達入黃濟運又挑挖黃河南北岸引河四道使對岸險工淤閉又遍閱河勢地形盡得其原委高下區畫條貫將次第經理會病卒賜賻金謚恪勤雍正十二年奉

旨崇祀賢良祠

通志

張聖鐸分巡淮揚道戢吏懲奸多善政會伏水暴漲淮安西門小壩水已溢隄城內惶惑聖鐸冒風雨躬率屬員集丁夫運料搶修越壩淮郡得全明年黃漲尤甚淮安安東同時告急聖鐸親臨捍淮遴員馳救兩城卒保無虞

通志

郎廷極鑲黃旗人康熙五十一年爲督漕都御史肅清漕政官吏旗丁皆便之

通志

齊蘇勒字金臣正白旗人以兵部尚書總督河道莅政清勤河防完固奉

淮安府志

卷之十九

鎮撫大吏

三十二

上諭敕部議叙又疏復瓜州花園港運道建門啓閉以順水勢堵瓜洲城西新開河道以免江水逼城之患尤爲偉績雍正十二年奉

旨崇祀賢良祠

通志

吳順字孝階商邱人康熙五十一年任淮揚道僉事留心水利挑漁濱河以資灌溉建二井石涵洞以備宣洩濬浩生溪使積潦有歸疏文渠溝俾文風贈茂其他賑饑施粥捐廢萬金全活無算

張大有邵陽人進士康熙六十年總督漕運時漕法疲玩已極首至黜廳道不職者數人勒限三月內糧艘

盡數過淮遂爲定例盤駁時有糧米虧缺者立寘於法漕政肅清澗河溉田數千頃自入 欽工啓閉不時大有出示聽民自便由是頻歲大獲所得養廉盡買米貯倉爲賑濟之用餘銀封寄府庫不入私橐立嘉會堂拔兩學之尤者與之講論文藝終日不倦文風丕振

魏廷珍字君璧景州人癸巳進士第雍正十年由大宗伯總督漕運清風峻節曠絕前後其治漕也繼邵陽張公而縝密過之漕船過淮簽盤積弊官役需索公製簽尺比例簡易不煩而漕糧一清又捐俸若干兩

淮安府志

卷之十九

鎮撫吏

三十三

盤糧押運往回半載給官役飯食貪饕者無從借口運丁所得行月錢糧任意花費過淮後用度不足致有盜賣掛欠之弊廷珍令各幫水次日用數目造具清冊親爲覈算多費勒令補還故錢糧常寬然有餘而盜賣掛欠之弊絕又定水程以十分爲率行一分程途給一分銀米遠近截留皎然畫一又定漕船失風之例七年以上者賠造八年九年者賠修至今遵爲碩畫漕標兵丁較各標獨多公督標將朝夕訓練行陣技藝壁壘一新自廷珍始凡四督漕運清而不刻寬而不縱船早回次顆粒不欠其所釐剔皆關漕

政之大者十三年內擢大司馬復晉大宗伯

嵇會筠字松友無錫人丙戌翰林雍正八年以兵部尚書總督南河是年秋汛異漲東省山水暴發滙歸駱馬湖浮黃溢運南注洪澤湖河決山陽沈家圩安東陳家社又決中河劉家灣等子堤九處曾筠既受事親歷要害先啓山盱天然南北二壩分洩洪湖逆流以殺水勢繼塞外河安東決口使黃水歸漕遂請築禹王臺竹絡壩工使蒙沂諸山水不復侵運河關六塘河故道使駱湖異漲不致旁溢修建高堰石工估築山盱堤埝引淮水暢流移天妃閘接清口壩使漕淮安府志

卷之十九

鎮撫大吏

三十四

運利涉歲加堤工以捍異漲挑浚引河以資宣洩接築四套月堤以防漫溢而大河奠定旋奉

世宗憲皇帝發帑金一百萬兩

欽命大臣四員協同大修高堰石工經始九年正月至十年告成屹然巨障下河七州縣恃以無患論者謂河工自張文端公經理而後至此又爲一治尋加大學士太子少傅總督浙閩乾隆三年

召入閣預機務未行卒謚文敏著有河防奏議十卷

淮安府志守令敘

生民之命係乎長吏故爲守令難而爲淮安之守令尤難地瘠而斥鹵當轉運之衝距長淮大河有水之害而無水之利民生其間日以凋瘵近且災侵疊告矣

皇上如天好生頻勞旰食視瀕海數邑不啻二京三輔然則仰奉

德音將以寔心行寔政之本抑亦借前事爲後事之師歟夫隄傳范氏塘號陳公行春而鹿隨禱雨而虎去若茲異等代不乏人其有釐舉興革鑿鑿見諸行

淮安府志

卷之十九

守令敘

一

事者並詳著於篇使後世有所考鏡焉志守令第十九

淮安府志卷之十九

守令

漢

祭彤字次孫遵從弟為襄賁令時天下郡國未平襄賁多盜彤至誅破姦猾殄其支黨數年政清璽書勉勵

贈秩一等 後漢書

鄭宏字巨君山陰人始為鄒令有仁惠遷淮陰太守宏行春大旱隨車致雨白鹿方道挾轂而行宏怪問主簿黃國國拜賀日聞三公車輻畫作鹿明府必為宰相建初間為大司農 謝承書

淮安府志

卷之十九

守令

一

孫堅字文臺吳郡富春人以平會稽賊詔除鹽瀆丞數歲徙盱眙丞又徙下邳丞堅歷佐三縣所在有稱吏民親附鄉里知舊往來者常數百人堅接撫待養有若子弟焉 江表傳

三國

陳登淮浦人魏廣陵太守治射陽詳見人物

宋

申恬字公休魏郡魏人元嘉末索虜南寇遣恬援東陽虜退為寧朔將軍山陽太守善於治民所莅有績累

進輔國將軍 宋書本傳

蕭僧珍蘭陵人元嘉時爲山陽太守魏主燾南寇瓜步僧珍悉歛其民入城蓄陂水令滿待其至決以灌之魏人還至山陽不敢留而去

宋書本傳

齊

蘇侃字休烈武邑人齊太祖鎮淮陰以侃詳密取爲冠軍叅軍是時張永沈攸之叛後宋新失淮北始遣道成北戍不滿千人每歲邊淮騷動廣遣偵候安集荒餘又營繕城府侃更自勤勵委以府事深見知待歷官山陽太守清修有治理百姓懷之弟烈亦累官山陽太守寧朔將軍

齊書蘇侃傳

淮安府志

卷之十九

守令

二

周山圖義興人蕭道成鎮淮陰以爲寧朔將軍漣口戍主山圖遏漣水築西城斷虜騎路并以溉田

齊書本傳

梁

張惠紹字德繼義陽人爲北兗州刺史魏宿豫淮陽二城內附惠紹撫納有功進號智武將軍

梁書本傳

北齊

徐遠字彥遐廣寧石門人少習吏事河清二年除東楚州刺史爲政寬和有恩惠其年邑郭大火民亡產業遠躬自赴救對之流涕皆得安立

北史本傳

北周

李徹字廣運朔方人宣帝卽位從韋孝寬畧定淮南卽授淮州刺史安集初附甚得其懽心

隋書本傳

隋

高勣字敬德渤海人幼以孝聞拜楚州刺史民安其政城北有伍子胥廟俗敬鬼祈禱者必以牛酒至破產業勣嘆日子胥賢者豈宜損百姓乎乃告諭所部自此遂止

隋書本傳

唐

宋璟邢州人耿介有大節元宗在東宮太平公主謀逆璟奏出公主諸王於外貶楚州刺史爲政清毅簡肅

淮安府志

卷之十九 守令

三

不可干以私吏民遵約束惟謹無敢犯者雖得貶而

賢聲益重

唐書本傳

李聽字正思洮州人西平王晟子憲宗討李師道以聽爲楚州刺史淮南兵弱鄆人素易之聽日勒部伍振勵軍士掩賊不虞遂取海州攻朐山降之懷仁漣水

望風納款

見唐書李晟傳

薛珏字温如河中寶鼎人以蔭爲令課第一遷楚州刺史初州有營田宰相遙領使而刺史得專達俸及它給百餘萬田官數百歲以優得遷別戶三千備刺史廝役珏至悉除去之租八贏異觀察使惡其絜誣以

罪會德宗命使者分諸道察官吏而李承狀珏之簡
趙贊言其廉盧翰稱其肅書參聞於是拜中散大夫

賜金紫 唐書本傳

韋瓘字茂和京兆萬年人進士及第累官中書舍人與

李德裕善李宗閔惡之會昌末出為楚州刺史 詩史按瓘

實政無傳惟山陽趙嘏有贈瓘詩云煦物三年春色在感恩千室淚痕多味其詩意不媿循良矣

王光謙淮陰令務清靜之化而去其煩苛推誠明之本

而教以廉慎生殖阜滋楚風丕變 一統志

南唐

張延翰字德華宋州睢陽人八吳為鹽城令有治績遷

淮安府志 卷之十九 守令 四

楚州行軍司馬 南唐書

何敬洙廣陵人先事吳楚州刺史李簡入南唐有功拜

楚州團練使常微服遊里巷察民疾苦有科條輒先

為經畫民不知勞坐廳事與賓客談讌民有訴事者

立引入親自剖析曲直皆厭服而出 十國春秋

宋

蔣堂字希魯宜興人進士楚州團練推官歲滿引對真

宗覽所試判善之特授大理寺丞通判楚州遇事毅

然不屈大有政聲後為淮南轉運使兼江淮發運事

薦孝子徐積乞改官又薦部吏二百人或日一有謬

舉且得罪何以多爲堂日十得二三亦足報國先是發運使上計大舟數十載江湖物入遺京師權貴堂

曰吾豈爲此前後五年未嘗一至京師

宋史本傳

張傳字巖卿真宗時知楚州歲饑貽書發運使求貸糧

不報嘆曰民轉死溝壑矣報可待乎乃啓上供倉廩

賑貸所活以萬計拜章待罪詔獎之

舊志

張奎字仲野進士知楚州治身有法度風力精強吏不

敢欺

宋史本傳

李宣知楚州治官如家人以其決事明稱爲照天燭

南畿志

志

淮安府志

卷之十九

守令

五

米芾字元章襄陽人知漣水軍又以太常博士移守山

陽博雅好古工詩文兼善書畫在山陽用文雅爲治

尚禮教祛淫祠任滿之日歸橐蕭然圖籍之外無他

物偶值風浪作詩矢神卽止

宋史文苑傳

李孟傅字文授刻志於學歷楚州司戶叅軍單車赴官

公退閉戶讀易郡守部使者不敢待以屬吏徐積墓

在境內蕪沒既久加葺之修復陣公塘有灌溉之利

宋史本傳

李大性字伯和端州四會人通判楚州郡守吳曦與都

統制劉超令議欲撤城移他所大性謂楚城實晉義

熙間所築奈何以脆薄易堅厚乎力持不可城得不
移 宋史本傳

趙槩字叔平宋州虞城人知漣水軍歲饑勸誘漣民得
米萬石所活不可勝數漣水有魚池利入公帑槩始
罷作放生池槩秉心和平與物無競在事如不言然

陰以利物者不少議者比之劉寬婁師德云 舊志查槩本傳

並無此條而舊志與安東志俱載入不知何據姑存之

王惟熙字國和如皋人景祐元年登第調鹽城尉州嘗
有羣飲獄甲斃疑乙扶之久不決州以屬尉惟熙召
囚脫械勞酒如平民詰之日汝用手尚左而死者傷

淮安府志

卷之十九 守令

六

右復何辭囚日仇此人久矣幸其醉扶之官得其情

死不恨 鹽城縣志

蕭均知漣水軍修舉郡政葺治城壁朝廷嘉之進官一
等淳祐間以捍禦功進右武大夫福建觀察使仍知

漣水六年以均久戍邊城忠勞可嘉進二秩 安東縣志

趙仲湖州人嘉定間知楚州修築城池節制屯營車馬

州人便之 舊志

黃師雍寶慶初為楚州官屬李全反狀已露師雍密結

忠義圖之謀泄師雍不為動全亦不加害 見宋史李全傳

元

許維楨字周卿遂州人至元間爲淮安總管府判官屬

縣鹽城丁溪場有二虎爲民害默禱於神一虎去一

虎死境內旱蝗禱而雨蝗亦息是年冬無雪父老言

無雪民多疾奈何維禎曰吾當爲爾禱已而雪深三

尺朝廷聞其事方用之而卒海內惜之

鹽城縣志

史欽臨海人延祐間知清河軍處家孝友居官明達在

巖疆日久務平其政與民相安卒於官葬漁溝清人

思之碑記功德子孫遂家焉

清河縣志

幹羅思高昌縣人延祐間知桃源縣事爲政公平吏民

悅服捐俸贈廣學宮立膳士田七十頃

桃源縣志

淮安府志

卷之十九

守令

七

謝處信字子忠至正間知安東州事修學課農通水利

辨冤抑刊訓辭以警吏民

南畿志

劉整魯人至正間知桃源縣事時邑始創學校未興整

卜地建大成殿及門廡至今猶傳其德政焉

桃源縣志

明

范中太祖元年知淮安府先是郡爲僞吳將史文炳所

據政苛急民苦之中撫綏克勤寬厚不擾人安其生

公署祠宇皆所經畫

南畿志

姚斌洪武中知淮安府勤謹廉靜一郡稱治

舊志

潘傑壽州人洪武間知淮安府剛正明達吏民敬服

山陽

縣志

陳天瑞合肥人吳元年由儒士知鹽城創縣治建學宮

南畿志

孔克勳江西人洪武元年知清河縣修廢舉墜勇於任

事而才足以副之 南畿志

束贄宣城人吳元年知安東州開置公署分設街巷遷

鄉民以實之 南畿志

藺輔平度州人洪武三十二年以御史改知鹽城縣廉

慎有為撫字有方 鹽城縣志

俞順辰南昌人洪武十五年知鹽城縣興學崇儒勸民

淮安府志 卷之十九 守令 八

力農 舊志

汪仁洪武初知桃源縣教民力田孝弟縣治祠廟壇壝

皆所創建 南畿志

陳立本浙江人洪武九年知清河縣居家孝友泣政公

平 舊志

喻有立江西人洪武十五年知清河縣勤政愛民興學

禮士 清河縣志

王端汾州人洪武間安東縣丞廉潔自持精明馭下於

民不擾 舊志

趙思本慶雲人洪武間知安東縣事賦役均平杜絕里

胥之弊勸課農桑優恤貧匱

安東縣志

姜迪涿州人洪武末知桃源縣公正廉明民咸愛戴

舊志

施禮順天東安人進士仕至叅議以事免官復以薦舉

知淮安府惠愛廉正有猷有為賦役均平民生休息

坐事謫戍永樂二年起監察御史

山陽縣志

林士敏莆田人領鄉貢入太學永樂間擢知淮安府政

事明達謙恭下士淮人稱之

山陽縣志

姬珪博野人永樂間知淮安府政平訟理民甚便之九

年秩滿民赴京乞留再滿如初凡在任二十一年

山陽志

縣志

淮安府志 卷之十九 守令 九

張翔山東蓬萊人永樂間同知府事謙謹和厚忘勢下

賢

山陽縣志

倫理壽光人永樂間任淮安府推官持已廉潔決獄平

允

山陽縣志

崔奎宛平人洪熙初任山陽縣丞九載考最陞太僕寺

丞

舊志

黃珏四川安岳人永樂三年由進士知鹽城縣興學勸

農革弊除奸廉能有為民甚安之

鹽城縣志

方文浙江人永樂二年知清河縣勤於撫字九年考滿

百姓不忍捨焉

清河縣志

卞盛濮州人永樂間知安東縣爲政有本修舉學校

舊志

李信圭太和人洪熙元年知清河縣公正廉能士民敬

服秩滿詣闕乞留擢知州仍攝縣事

南畿志

彭遠南昌人宣德中知淮安府歲饑流民四至遠構舍勸輸日給二餉全活者巨萬民乏耕牛爲立法貸給農務以興後被誣陷去職值中使李德奉使過淮民擁舟大呼乞問天子還我賢太守於是漕運總兵王瑜及士民連章請之事聞復原官治行爲江北第一楊理耀州人宣德中由御史爲淮安同知五年知府缺所屬州縣官民奏其執法抗直豪橫畏戢小民樂業

淮安府志

卷之十九

守令

十

乞陞補其缺從之時淮安役重差煩理上言民間以供給繁重將屋宅典與富民期三年贖以原本過期卽立葬永賣以是貧民趨食在外莫能招撫臣請過期不贖者許富民再住三年准原本之半贖之經十餘年者卽給還從之

山陽縣志

程宗金鄉人正統初知淮安府九年秩滿屬民言其端

謹慈明乞留任詔從之

山陽縣志

邱陵蘭陽人正統間知淮安府愷悌廉明不事苛細相地鑿渠以便稼穡開墾蕪田以課農桑於是撫流移興學校表節孝崇祀典士民頌之景泰初奏乞省兩

淮巡河巡鹽御史併令巡撫巡按清軍御史兼理庶不致官多擾民從之又奏臣因覆勘水災遍歷州縣缺食人戶按月給糧庶不失所倉糧不足請於常盈倉支給從之以治行卓異賜錦衣寶襪陞右布政

山陽縣志

張端德州人正統間知桃源縣操行廉介處世和平得上下之心

桃源縣志

楊景仁和人有經濟才勤於政理景泰初由工部主事擢守淮凡所措置惟務養民政教具舉三年秩滿卓異六年九年復如之晉叅政仍守郡賜誥勅旌異又

淮安府志

卷之十九 守令

十一

三年代去老穉攀留獻飲食淹三月乃得行其在郡日募粟備荒發廩賑饑山東淮西流民入境者爲謀居食兼營其婚嫁凡困阨顛連獲遂其生者不可勝

計 山陽縣志

田臻襄城人景泰初知府事爲政平恕

舊志

鄭同閩縣人天順間知安東縣以憂去民爲立一清坊以表之

南畿志

趙經山西人天順間知桃源縣守已鯁直莅事公平士民畏服

舊志

韓邦問字大經會稽人進士成化中淮安知府時民苦

供役乃隨事節省雖中官往來不敢需索泗州官軍嘗誣奏無辜逮繫死者甚衆屬邦問辦理咸得其情嘗一日見諸生行於道序稍紊邦問曰長幼之節何可廢也舉古人進退步趨之道以訓之士風丕變邦問狀貌魁梧不妄言笑端謹廉明政事修舉尤崇禮教焉

山陽縣志

范洙富順人先以御史巡按淮揚成化二十三年知府事剛方正直吏民畏服

山陽縣志

安鈍睢州人成化初同知府事剛方明決才能稱著成化七年加旌異

舊志

淮安府志

卷之十九

守令

十一

夏沂貴溪人成化間任同知有廉能聲

舊志

林思承莆田人成化間同知府事寬猛得宜吏民敬服

舊志

趙熙雲南人成化間任通判居官清約士夫重之

舊志

王奉先慈谿人成化間任通判治行兼優郡人推服

舊志

薛準杞縣人任通判平恕剛方馬政修舉

舊志

鄧珏江夏人成化間任通判能舉其職

舊志

張鵬成化間任通判坦白簡直淮事惟勤

舊志

季鎬山西平樂人成化間任推官端嚴誠愨決獄明允

上下稱之

山陽縣志

王允新建人成化間任推官謹厚明達獄無冤滯

山陽縣志

馮鏞鄱陽人成化間知山陽縣撫按奏保廉能公正撫

字勤勞乞賜誥勅旌異推恩及其父母不次陞用

山陽縣志

勞鉞字延器九江人進士成化間知山陽縣愛民如子

百姓親之陞太僕寺丞知湖州府沒祀為神

江西通志

張淮襄城人進士成化間知山陽縣清而不阿有十奇

惠民見之歌謠以憂去十奇事惜其不傳

山陽縣志

郭進陝西咸甯人成化間知山陽縣剛明果斷不避權

貴減夫役省公費悉心為民

山陽縣志

淮安府志

卷之十九

守令

十三

王慎山東新泰人舉人成化十九年知鹽城縣宅心公

平持已清慎粗衣糲食累年不變鄉民耕地得金餽

之十錠慎正色拒絕邑人至今道其清白

鹽城縣志

涂昇江西豐城人進士成化二十三年知鹽城縣寬平

樂易大得民心

通志

劉金順天人成化年知桃源縣持已無私為政有本

舊志

李上達莆田人成化間知桃源縣課農賑饑民立像祀

之

桃源縣

陳讓光山縣人成化間知安東縣下車發粟賑貧招撫

流亡造譙樓養濟院旌善申明亭寬猛得宜百度具

舉 安東縣志

徐鏞字用和興國州人進士宏治初知淮安府值歲大
侵亟修糴賑法巡行郡邑勸課農桑遂大稔民孤獨
無告及不能婚嫁者諭富室助之郡學荒圯修葺恢
廓之奏本府常盈庫歲收糧不過四五萬石乞取回
監收內官雖不允當時是之歷陞河南右布政使擢
副都御史總督漕運淮人大喜鏞先守淮悉知漕弊
以法繩下劾不職察邪慝軍民稍息卒於官崇祀名
宦名臣二祠 舊志

才寬字汝栗遷安人進士性曠達不拘小節宏治中知

淮安府志

卷之十九

守令

十四

淮安府操尚清峻遇事立斷有盜殺人無主適蛛墮
几上鷹下於庭寬曰是其有姓名同符者耶按之得
朱英伏其辜人以爲神素善藻鑑侍郎胡璉在髫幼
一見奇之果大顯生平不喜媚俗終始不移以憂去
累陞總制三邊沒於陣謚襄敏

邊憲字汝成進士宏治中陞淮安知府持已嚴肅言笑

不假吏民畏服歷官刑部尚書

山陽縣志

楊遜筠川人進士宏治辛酉守淮愷悌慈祥不務刻削
而事多修舉待士甚厚時加裁抑以勵其進在任五
年一日方視事有代者至卽拂衣戒行士民涕泗遮

道焉 山陽縣志

羅循吉水人進士宏治中知鎮江府值流寇起捍禦有功調守淮安餘寇尚熾計擒之綏懷撫緝民以大安凡聽訟捐贖所沒賊贓盡廩軍吏絲毫不染陞山東副使投劾歸屢薦不起守澹歛約至無以為家循没

鄒文莊公題曰有明循吏之墓 鎮江府志

楊戩忻州人舉人宏治中同知府事剛方嚴毅不敢干

以私在任四年清謹如一 舊志

茆欽廬龍人進士宏治中調淮安府同知蒞政嚴明吏

民畏服 舊志

淮安府志 守令 卷之十九 十五

余靖南昌人宏治中任通判守法奉公百姓愛戴 舊志

趙富蒲城人宏治間知山陽縣以德化民有清白之譽

山陽縣志

楊璋孝感人宏治間知山陽縣才識通明施為暇整劃

理煩劇井然有條於學校刑獄尤所用心 山陽縣志

王琮高陽人宏治間知山陽縣有為有守平易近人 山陽

縣志

霍恩茂山衛人宏治間知山陽縣有惠政以外艱去再

任上蔡流賊破城不屈死 山陽縣志

劉慧山東陽穀人宏治十八年知清河縣政尚廉平實

心勸農歷有成績尤加意學校凡類宮殿廡齋堂皆

撤而新之 清河縣志

郭郭肥鄉人知清河縣持身廉介應事明決民受其福

清河縣志

馬璉字廷美鈞州人宏治二年知安東縣修學校以養

士廣積儲以愛民陞知州有去思碑 安東縣志

郭韶霍州人進士知安東縣廉以持已嚴以繩下創議

建城在任四年民懷之 安東縣志

謝景星邯鄲人宏治間知安東縣持身清慎撫字有方

舊志

淮安府志 卷之十九 守令 十六

崔獻山東鄒平舉人知桃源縣莅政嚴猛剛果有為振

興學校士民稱之

魏倫元氏人進士正德間同知府事正直渾厚蒞政平

易無疾言厲色稱愷悌長者 舊志

趙循雄縣舉人正德間同知府事勤政愛民廉慎不苟

清理兵伍尤所用心 舊志

楊浩雲南人正德中任同知敬謹廉愛 舊志

馬騏字世用夏縣人進士為刑科給事忤逆瑾正德間

調淮安推官時方大疫乃清獄放流徒以下數百人

申救死罪三人有揚州人使僕還金飾器於其姻家

道失去匿淮人所爲備一日遇故主詰問僕妄謂淮人迷以藥攘其金物獄成罪至死驛日揚淮咫尺既取其金復備其人殆不近情因取成案所具藥俾獄盜服之殊不驗誣始白又鹽城士人張忠受誣逮力爲白之表何烈女徐節婦撰雙烈記以勵風化流賊將至境驛規畫嚴密賊知淮口不可渡遁去其他善政甚多瑾敗宜大用僅陞松江同知至鄖陽知府蓋不肯稍貶以求遷也

山陽縣志

華璉餘姚人正德間知府存心坦白莅事平易

舊志

劉詳安福人進士正德間知淮安府遇事敢爲羣吏奉

淮安府志

卷之十九

守令

十七

法七年流賊擾淮北詳出兵合軍民數千人禦之淮

賴以安

舊志

馬圖彰德人進士正德間任淮安推官讞獄詳慎謹厚

不伐以公勤見稱

舊志

邢照三河人正德間以御史謫山陽縣丞陞知本縣事

吏畏民懷復爲御史

舊志

常在臨川人知山陽縣治事敏決以才幹稱

舊志

樂護榆社人知山陽縣持已廉威蒞政敏明

舊志

石恩春城人正德間任山陽縣主簿持已勤慎馬政克

修

舊志

劉絃思縣人正德四年知鹽城縣廉正有爲恤民省費

鹽城縣志

歐陽周密縣人宋文忠公裔舉人正德間知安東縣持

已廉正境內旱蝗默禱大雨蝗滅轉歉爲豐

安東縣志

劉金順天人正德中以主事謫桃源縣丞持已無私爲

政有本陞本縣知縣

桃源縣志

姜素高唐人正德間知桃源縣廉以持已仁以愛人奏

請海鹽協濟夫役民賴之

舊志

路迎汶上人進士嘉靖間知淮安府先是郡久闕守奸

胥縱肆迎下車捕治境內肅清有債帥與諸生訟迎

淮安府志

卷之十九

守令

十八

矢天平決坐帥贓如律又戶部督捕租甚急將按劾

迎或諷往謝弗聽曰淮民困極矣吾有去耳何謝爲

山陽縣志

葛木上虞人進士嘉靖間知淮安府性明敏遇事立斷

吏不能爲奸時唐龍撫漕政無巨細悉採木議郡有

大疑大獄皆藉決焉軫民疾苦以身任之尤重學校

毀淫祠爲書院以訓士子文教蔚興

山陽縣志

王鳳靈字應時莆田人進士嘉靖間知淮安府爲政務

大體從容安重庶務咸理乃更剏郡縣學先是葛公

木闢龍溪書院鳳靈因而宏之又引淮水入泮池廣

徵屬邑士肄業其中校其文藝刻同文錄一時顯士
多出門下淮罹水患鳳靈首疏五事以備疏洩又上

秋災夏蝗等四疏及請蠲秋糧停馬價賑饑民戢巨

盜陞任去淮人士卽書院祀之稱曰筆峯先生

山陽縣志

孫繼魯雲南右衛人進士嘉靖間知淮安府操行廉潔

墾田勸農興學織造中官押貢道淮大作威福繼魯

抗阻之遂誣以闕供逮詔獄囊無寸儲鄉士夫醵金

濟之百姓哭泣呼號賴執政夏言力救得解累官山

西巡撫謚清愍

山陽縣志

張守約華容人進士嘉靖間知淮安府真率儉素一介

淮安府志 卷之十九 守令 十九

不取茹蔬衣布而割俸以食髦士濟儒貧無所靳惜

以疾沒於郡遠邇傷之

山陽縣志

張敦仁龐水人進士嘉靖間知淮安府一郡稱治疏言

淮徐連遭水患請將漕糧折銀蠲免及鳳壽諸倉錢

糧帶徵者皆緩之又各衛所官軍俸糧歲伍萬七千

有餘請留鈔關銀或運司銀給之

舊志

蔡揚金衛輝人進士嘉靖間知淮安府

按陳五岳志以爲循吏宜祀名

宦政績未考

范永官湖廣桂陽人嘉靖間任淮安通判問民疾苦曰

苦河浸永官日時流濁吾防之以清又日備倭費煩

永官曰吾無擾寇自息署山陽縣事歲裁坐庫里長
冗費以千金自奉淡如也賦不及額以調去

山陽縣志

李幼滋應城人進士嘉靖末知淮安府才猷卓犖政體
肅清勸農興學百廢具舉時值災傷力奏蠲稅百姓

賴之

山陽縣志

趙慎修膠州人進士嘉靖四十四年知鹽城縣公廉慈
愛政清刑簡民安其業後行取以逋賦稽留上官督
責甚急慎修終不忍以催科加鞭扑民益感之累官

雁門兵備副使

鹽城縣志

陸琳平湖人嘉靖二年知清河縣事正大寬平愛養百

淮安府志

卷之十九

守令

二十

姓歲大侵多方賑濟之行取去任清民攀轅呼號百

里不絕

清河縣志

石存仁德州人嘉靖七年知清河縣承陸琳寬仁之後
略濟以威廉幹精明百度修舉民畏而愛之

陳文燭字玉叔沔陽州人進士隆慶初守淮安政崇寬
簡培植學校敬養老更有文翁化俗之風淮地衝劇
徭役苦煩應差人丁皆屬里胥僉報殷實之家立至
縣磬文燭悉其弊行條鞭法清審貧富分三等九則
徵銀遇有差徭或招人充管給與工食或臨時僱募
公私兩便後著爲令又重修府志士民立祠西門外

山陽
縣志

王用汲晉江人進士隆慶間任淮安推官作興士類噢
咻細民而剛直自持豪強斂迹凡官評獄訊平允不
爽有欲干以私者噤不敢發

山陽縣志

張維誠永清籍進士隆慶五年知清河縣有風裁長於
吏治闢如意菴爲崇正書院以課請生教養倍至

舊志

陳敦質泉州人隆慶間知安東縣談經較藝寒暑不倦
當時稱爲文吏

舊志

范惟恭豐城人隆慶間知安東縣創修城墻今資保障

舊志

淮安府志

卷之十九

守令

二十一

邵元哲桂陽人進士萬歷初知淮安府時久罹災傷民
困至極元哲有爲有守輕徭薄賦民得漸蘇城東有
澗河通射陽湖宣洩三城潦水兼便鹽城糧運及民
間魚鹽米薪卽學校泮池秀水皆以此爲尾閭乃郡
城命脉也黃水溢後河道皆淤元哲力請於上疏之
工不煩而利舉又贈築城西堤堵黃河決口建閘以
通漕艘民立像於龍興寺東禪堂內

山陽縣志

宋伯華字汝合益都人進士萬歷間知淮安府時方治
河大起徒衆伯華悉心修築常達旦不寢爲政務持
大體撫循凋弊與之休息宰執于慎行稱其醇謹類

石慶治行類劉寬云 山陽縣志

張允濟固安人進士萬歷間知淮安府政尚節愛寬猛得宜歲祲請蠲請賑竭力爲之薄書旁午手削百牘不假吏書備災荒修學校禁窩訪聽斷持公清如止

水 山陽縣志

曹于汴字真子安邑人進士萬歷間淮安推官學術醇正視民如子決獄明恕平反實多六年間五攝郡篆布衣蔬食帶星出入以爲常疏濶河以通魚米萑葦之利地方惡習匿名陳詞借人命搶掠及偽造假銀婚喪過侈皆嚴禁之清理刑獄獄常空海上有倭患

淮安府志

卷之十九 守令

二十二

嚴修守備添設敵臺建志道書院修安定節孝及陸丞相祠朔望請其中訓課士子議性命實踐之學又以六諭訓民建鷹揚會於韓侯祠以議武立社師以廸蒙童表揚節烈隆重鄉飲酒禮教化大行著有署淮興革錄擢吏科給事中百姓泣留不得肖像於節

孝祠歷官南左都御史 山陽縣志

曹大咸江陵人進士萬歷間任山陽縣擢禮科給事中

贈光祿寺卿

按曹公令山陽善政不傳今名宦祠有其位而府志不載其事又鹽城名宦志

稱其廉慎自矢貪吏畏法則曹公之莅山陽其善政可以類推矣

張國璽任邱人進士萬歷間知淮安府精於爲政才學

優長課士衡文彬彬蔚起有祠祀之

山陽縣志

劉大文博平人進士萬歷間知淮安府下車卽與神盟誓後水旱相仍改置壇場略無畏避奸民妄奏江淮遺稅中使耽耽大文力陳不可邀恩獲免備倭警壑荒田濬澗河清屯地皇木之役百姓愁嘆爲計道里議津貼禁科擾民賴以安集士子於志道書院訓課之風雨不輟擇塾師置各坊鎮時課試之婚喪過時者有罪不給者助之風俗頓變陞淮徐道百姓大喜以爲猶依其庇也

廣輿志

張經世渭南人進士萬歷間知淮安府豁達明敏剖決

淮安府志

卷之十九

守令

二十三

如流吏不得行其私出納平允左右無所乾沒尤禮重士大夫監稅鴟張告訐械繫家立破經世遣人於路截回負嶠者莫敢誰何聞父卒卽日奔喪行李蕭

然府藏案牘清如澄水

山陽縣志

元詩教萊蕪人進士萬歷間授淮安府推官治事精明目視手答摘發若神吏抱案辟易不敢仰視剖斷刁

獄數言而折獄無沉滯

山陽縣志

何際可衛輝人進士萬歷間知山陽縣寬仁大度不事苛細推誠待人禮賢下士值水患頻仍盜賊竊發乃

緩催科停敲扑惟事撫循民感其德吏畏其明

山陽縣志

張師孟曲周人進士萬歷間知山陽縣和易寬大而明見秋毫虛公折獄不輕入人罪邑事煩劇隨宜酬應遇有疑難澄然不動徐以一言定之災患相仍不急催科而輸納者自不忍後嘗捐俸以繼賑貸之不足修繕隄防不自言功

山陽縣志

劉復初高陵人進士萬歷間淮安海防同知精敏剛毅

一介不取而勤於恤民治在郡東廟灣

卽今阜甯縣

凡小

船自山東沿海來貿易者稅原薄以軍興贈稅事過不減復初至汰苛征革奸胥有小寇出没海濤以計掩捕之均徭役除供給攝郡事事治則創文峯鑿巽

淮安府志

卷之十九

守令

二十四

關以培植士氣有郡惡結黨害民縛其渠魁杖斃之

迄妖賊亂作淮晏如也

山陽縣志

詹士龍永豐人進士萬歷間知淮安府和平公恕清操

自持問民疾苦皇皇如不及勸墾荒田制龍尾車教

民灌輸以省桔槔之力建春棚以勸農桑課士議學

如嚴師之訓子弟重修交渠以疏文脉修安定節孝

二先生祠治惡黨范柏等四十餘人追燬舖行應差

牌面禁宰耕牛賑救孤貧覈尺籍革牙帖免差船除

房號納銀設義櫃供差善政不可悉數擢福建兵備

一肩行李有趙清獻琴鶴之風

山陽縣志

孟養志杭州人萬歷間淮安推官慈厚精明誅鋤強暴聽斷疑獄以片言折之務於無生中求生平反甚多苟無可生卽要津請托不顧也他郡有疑案皆曰孟公神明能白我丁外艱去士民留之不得

山陽縣志

盧洪珪進士萬歷間知山陽縣易直慈諒務與民休息聽訟平允若事不便民或民有犯重法者卽上官憎喜不爲動卞塘人馬二豪者力敵萬人結党千餘出沒淮泗間當事議勦洪珪恐激成大變選有智力者密授方畧往掩捕獲於泗上慮其衆邀劫移泗州就決之諸黨悉平奸民以睚眦輒假中使稅船以逞其

淮安府志

卷之十九

守令

二十五

憤悉按法反坐民始得安黃舖地界寶應縣欲曲防以饗其利貽山陽縣害洪珪力持之不爲撓

山陽縣志

高捷淄川人進士萬歷間知淮安府明作任事東省凶饑流民湧至當事恐聚爲亂捷勸民出粟發帑供糴大建粥廠施藥給楫收贖子女全活不下數萬人擒劇盜渠魁淮民以安河決狼矢溝運船阻滯捷負薪督築露宿隄上飛輓無悞他若表節義建社倉設官渡平糴糴修書院以課士子善政多端立祠西門外

山陽縣志

劉之鳳中牟人進士萬歷間淮安推官丰采卓立執法

無所假借疑案一經剖決百折不回巡行所至民無

冤抑清苦自厲幾令官突欲寒

山陽縣志

練國事永城人進士萬歷間知山陽縣下車首清積案

鋤擊大猾興利除弊事皆中肯訟事數言剖之催徵

諭民自投一役不擾河決三城俱沒浚隍贈堤水患

乃平捕妖民王元王倡白蓮教者逾年山東妖寇作

亂淮地幸免無事

山陽縣志

楊瑞雲南海人進士萬歷七年知鹽城縣才猷卓犖政

事精勤邑舊無志書瑞雲始創爲之

鹽城縣志

曹大咸萬歷十五年知鹽城縣事實見上

淮安府志

卷之十九

守令

二十六

陳治本餘姚人進上萬歷二十一年知鹽城縣安民靖

盜執法無撓

鹽城縣志

臧懋中長興人進士萬歷三十三年知鹽城縣宅心寬

大愛民如子爲政有長者風

鹽城縣志

畢拱辰字星伯掖縣人進士萬歷四十六年知鹽城縣

爲政精敏尤樂教育人才歷陞山西冀寧道闖賊之

難與巡撫蔡懋德同時殉焉

鹽城縣志

石子璞湖廣興國人萬歷三年知清河縣時邑大水子

璞下車先築圍堤以衛民居次築長堤以捍民田濬

線河以通四境水道民免昏墊明年田汙下皆熟乃

修倉儲歲積豆麥至千石培學校諸生中有孝謹及有文望者待之有加禮嚴窩訪懲其黠者一二人餘

黨懼服

清河縣志

史邦直淮安營田副使萬歷四年安東被水災民逃亡

畧盡議廢縣邦直登能仁寺塔毅然曰安東生氣尙

旺數年撫綏疲瘠可起因謂海口門戶不宜輕撤藩

籬惟當併里裁員糧征現戶又設法抵漕糧開醃切

借四稅補缺額民困以甦縣始獲存

安東縣志按營田副使萬歷

四年設九年裁

史選象山人萬歷七年知安東縣邑大水民搆木居乘

淮安府志

卷之十九 守令

二十七

筏八市選度形勢遶治插標築土隄高八尺佈車出

水後河溢治內獨享平土今城卽其遺址改挑鹽河

寓賑於工全活甚衆

安東縣志

馬朝錫四川新繁縣人進士萬歷十一年知安東縣值

水災流亡者衆蠲逋負給牛種賑孤濟貧廉惠有聲

安東縣志

楊日采字端石晉江人萬歷十六年知安東縣風裁自

持恩惠及下勤考課鋤牙蠹清錢糧築塞王家營決

口以捍水患

安東縣志

陳從彝龍溪人萬歷二十一年知安東縣愷悌節儉悃

幅無華而平政愛民仁聲最著詳請漕糧永折每石
七錢以紓民力民立像祠祀之

安東縣志

蔣震龍仁和人萬歷二十五年知安東縣邑被水災有
委勘官至惡失迎候震龍進災冊求定分數勘者擲
諸地震龍拾取再進又擲又進勘者不能屈既出百

姓環謝曰我爲百姓告災何辱之有

安東縣志

王三鯉字龍池威海衛人萬歷三十四年知安東縣事
水荒民逃多逋欠申請丈田減賦清丁省鞭錢糧官
收吏解不使病民

安東縣志

黃成章遂寧人萬歷三十九年知安東縣侃直敏毅事

淮安府志

卷之十九

守令

二十八

無積案舊漕折每石七錢成章請於上減至五錢土
城易潰夾樹以柳築遙隄一百五十餘里以衛民造
官渡設水手行人便之

安東縣志

梁士曲沃人萬歷四十三年知安東縣潔已愛民歲饑
詣各鄉賑饑招逃亡給牛種設廠賑粥東省流民全
活六千七百餘名婦女七十二口給路費送之歸因
蝗寓賑捕獲一石者給大麥二斗計捕六千餘石濬
鹽河築遙隄聽訟不徇請托擢漳州府同知士民擁
泣號呼不得去

趙宏道蒲州人萬歷四十四年署安東縣寬嚴並用靜

鎮不擾禁革火耗訟無苛覈

安東縣志

孫肇興莘縣人進士天啓初知山陽縣高才邃學實心愛民孜孜以剔弊興利是急時山陽縣屢被河患濁流淤墊阡陌無稽侵占爭執訟無虛日肇興誠信素孚乃通行丈量正其疆界遵明舊制合沙城斥鹵磽瘠之地與萑葦沮洳道路溝渠共得時田四萬餘頃時田者小田也準京田一萬四千餘頃京田者大田也輸納無異民始不爭其說詳見田賦志中運河以西田皆膏腴有當道以私憾鑿永濟新河自揚家廟達河口東西築隄積水無所洩田沉釜底民苦逋負

淮安府志

卷之十九

守令

二十九

肇興周覽咨嗟喻父老曰吾欲乘挑河之隙穿漕河底使漕隄以西之水從澗河東洩于海若輩能以畚鍤助否衆稽首歡呼肇興捐俸構良木請鄉都閩何世爵董其事爲木洞中空高廣各三尺長三十五丈橫掘漕渠而瘞之名曰伏龍洞西出西隄以吞東出東堤以吐洞上甃石石上加土四尺而後爲漕渠底濬隄東爲渠引水合許家閘以入澗河工竣始報成事於上官于是湖西千頃之濤復爲良田肇興仁足以興利才足以治事古良吏不能過也至于振興文教訓課士子人才蔚興淮人塑像魁斗宮內其課士

地也官至工部尚書

按今楊家廟有地洞口險工一段即伏龍洞舊處

趙善鳴廬陵舉人天啓二年知鹽城縣時苦加派新餉善鳴乃爲申請得減溢額九千七百餘兩民感之爲

立生祠

鹽城縣志

劉君聘字景衡東鄉縣人天啓間知安東縣下車議築城改城門未幾以計典去授廬州府照磨士民詣闕請復任竣修城事遂以幕銜署縣篆定商三民七之數以興城務募役市材民咸利之文編修震孟作築城記勒石民建祠立碑祀焉

王用予字安生黃岡人進士崇禎初授淮安推官留心

淮安府志

卷之十九

守令

三十

民瘼決獄平允未嘗輕入人罪時中原寇攘嘗撫膺太息矢志平賊暇則課士子精加考校文藝外兼及心性之學淮士卓犖者多出其門淮海有妖稱石觀音白日變現作禍福數郡謁香如狂將煽亂用予單騎以往舉笏鞭石背蹴其像碎之颺作潮溢鹽城海贛諸境居民漂沒上官檄往拯之晨夕拮据全活無算特擢翰林院編修亦異數云

山陽縣志

黃文煥字坤五永福人進士知番禺南海有聲崇禎間

補山陽留意愛養而時勢難支加餉不已邑罹水患

原野蕭條文煥撫綏有畧雖倥偬之際猶培植學校

進請生講論不輟擢翰林院編修以詞臣黃道周直道下獄株連及之事雪終于金陵

山陽縣志

袁彭年字德邱公安人進士崇禎間任淮安府推官家世多才父卽了凡先生也彭年下車以掄才愛士爲急予恕明允刑無冤抑建放生池於城西北隅觴咏

其上意致曠如

山陽縣志

周光夏河南人進士崇禎間兩知淮安府時流寇充斥獨淮郡未被蹂躪光夏加意愛民悉心禦賊淮人賴之

山陽縣志

楊鼎熙京山人進士崇禎間爲淮司李執法惟允值歲

淮安府志

卷之十九

守令

三十一

饑山東鳳泗流民就食者枕籍於道鼎熙設法賑濟遠近以安招撫叛賊陳肖等不累無辜撫按交章首

薦卓異

山陽縣志

劉景綽號練溪內黃人進士崇禎間知山陽縣愛民養士大著循聲流寇躪中原獨淮安完聚景綽加意軫

卹至今稱誦不衰

山陽縣志

張桓漢川人知鹽城縣愛民馭吏張弛有法

鹽城縣志

何璘平度州人崇禎二年知安東縣水災盜起治搶爬

賊地方安靖

安東縣志

吳一元字見始范縣人進士崇禎六年知安東縣精明

簡默廉惠嚴正吏胥畏若神明 安東縣志

高濂膠州人崇禎八年知安東縣吏胥謀復櫃頭協解以病民濂察之照舊永革歲饑盜起杖而埋之遂屏

跡 安東縣志

周書字百城舉人崇禎十年知安東縣温文愷悌禮士愛民縣產蘆葦柴戶自運工所多累死者書請設廠堆貯順船零帶以豁民累 安東縣志

王敬承字宗印會稽人崇禎十三年知安東縣富經術鎮靜甯民修聖殿建梓潼祠文昌閣革水面租尤爲善政 安東縣志

淮安府志 守令 卷之十九 三十二

林之平字撫五莆田舉人崇禎十五年知安東縣卹民禮士甲申賊震擾督撫檄民渡河之平日與其使吾民倚牆哭曷若死守此土力爭乃止殲倡亂者數人城野安堵 安東縣志

龔爽湖廣景陵人進士崇禎末知桃源縣邑久荒糧欠卽具疏題准停舊徵新贈馬價減淺夫課士撫民善

政多端 桃源縣志

國朝

張文衡遼東開平人順治二年知淮安府爲政清嚴嘗自箴曰戒怒省刑愛民養士摘治豪胥人畏而信之

李子燮字以理同州人順治初進士授淮安推官時新設協理部堂蠹役曹聘予等盤踞爲奸利奇凶積惡大肆屠毒紳士里民伏闕上書事下巡按御史秦世禎捕治世禎政號嚴明屬子燮鞠之子燮執法窮治根株俱盡審讞他案謝絕苞苴盤驗漕船屏陋規核虛耗旗軍畏若神明性疾惡凡狐鼠爲民害者訪拿殆盡有巨商暮夜橐萬金欲斃其仇子燮誓天峻却之積罰鍰修學以課士子暇則與士大夫聽琴觀奕澹如也因孤介獲戾言路劾罷之

山陽縣志

淮安府志

卷之十九

守令

三十三

任長慶字雲石順治十二年以大臣保舉守淮材力過人精于吏治事無巨細見卽洞悉有告變大案株連者衆長慶察其無辜多所全活淮人感之

山陽縣志

俞有章字紀方錢塘人負文名以孝聞順治乙未會副選推官精敏練達革弊釐奸鹺使差掣鹽商人例有厚遺堅辭不往飲冰茹蘘甘之如飴理淮六年承問刑名大案七百餘事未嘗或枉其他善政難以枚舉考選擢禮部儀制司主事淮父老相與置主生入名宦前所無也

山陽縣志

朱禹錫字揆叙山陰人順治間以選貢積分選山陽縣

恂恂若儒生剔弊摘奸羣吏畏服惟以愛養百姓爲務諸如請蠲逋負裁抑苛征疏理滯獄賑濟饑民尤不遺餘力暇則與諸生較文賦詩拔其尤者置酒高會在淮數年清操如冰奉母至孝每以伸冤減賦得佳士博堂上歡考最擢吏部稽勳司主事

山陽縣志

王我字邢臺人恩貢順治三年知鹽城縣時土寇猖獗

大兵駐勦我字分別無辜泣爲請命保全實多去任

後士民尸祝之

鹽城縣志

李用質濟甯州人進士順治三年知清河縣當鼎革之後加意招撫興利剔弊胥吏無敢舞文者待士教愛

淮安府志

卷之十九

守令

三十四

並至不愧父師尤嚴暮夜金戊子鄉試入闈有以關節相探者用質正色曰士子初求進身輒欲欺君乎振衣而起又有以疑事冒不測者憲檄再下吏白應查覆用質曰事所必無無徒滋擾竟具印結覆之檄三下差員至用質親往覆之乃已其人知之往謝用

質曰非我恩私何庸子謝爲人正大類如此

清河縣志

李湛字還白定興人順治二年知安東縣單騎之任修兩賢祠令祀王義方米芾諸生以兩賢位次請手答曰王公精忠大節米公逸韻高風兩賢未可意爲軒輊惟以朝代爲左右人以爲不易造水關上峙以樓

關外建石橋行人便之葺啓聖名宦鄉賢祠建八蜡廟重修青雲閣青雲書院以培文風未幾以計遷去

安東縣志

李廷梅遼東人順治十年知府事蒞治和平人皆愛戴

舊志

張維堅字石臣順治五年以幕僚署安東縣敬士愛民

修廢舉墜助刊縣志贈便門重關以設險阻捐俸設

風雲雷雨社稷以及邑厲三壇半年而百廢具興值

河溢經營畚鍤勤勞倍至民歌思之

安東縣志

張世澤汜水人進士順治九年知安東縣待士以禮撫

淮安府志

卷之十九

守令

三十五

民以仁涖任數月無弊不剔

安東縣志

鄭牧民錦州鑲藍旗人順治七年知桃源縣剔釐奸宄

興利除害加意作人請賑饑荒全活流民數萬

曹得爵遼東人康熙十年知府事練達事務暢曉民隱

嚴飭左右案無留牘

舊志

戚重進字仲升威海衛人康熙十九年守淮安持正不

阿廉靜有爲時河決未治夫役繁興重進加意撫綏

百姓愛戴之伸理冤枉不爲利動不爲勢奪至於革

火耗絕暮夜清操如一未竟厥用遽以疾卒人咸惜

之 山陽縣志

陳鵬年初授山陽令事實見上鎮撫大吏 山陽縣志

杜多珽涇縣人進士康熙七年知鹽城縣承饑饉之餘

疊被水患多珽赴府哭陳申詳督撫請蠲請賑民獲

更生回縣民遠近數十里擁輿愛慕咸以為古之杜

母焉 鹽城縣志

陳繼美滄州人舉人康熙十年知鹽城縣值連年大水

之後極力救災勞瘁備至欲修縣志會去任不果 鹽城志

縣志

蔣荷坤全州舉人康熙二十一年知鹽城縣寬平慈惠

潔已愛民辭綬日民為罷市如失怙恃 鹽城縣志

淮安府志 卷之十九 守令 三十六

武韓字若思直隸安平舉人康熙三十一年知鹽城縣

加意造士文風丕振又有沉水廢田萬頃前此報涸

陞科逋負山積韓經累詳督撫再題奉

旨蠲免民獲更生 鹽城縣志

劉光業字裕吾三韓人康熙十四年知清河縣風裁嚴

正喜怒不形為政得大體邑有民欠至十數年以上

者奉部着追民心皇皇光業緩之弗征至受部議不

辭卒請免之高堰之工檄派清河民夫四百名計僱

役之錢歲七千緡光業三訴軍門得免 清河縣志

管鉅臨川人康熙二十六年知清河縣有經濟才時屯

田之令行奉行不善往往割民間命產以充額士庶
皇皇如蹈水火鉅不避權勢力請於撫憲得以無擾
他若捐修學校贈建倉儲均丁而貧甲免賠累均糧
而豪猾無欺隱皆大有造於清者以陞任去

濮之榮號漪園仁和人康熙之三年任海防同知時有
滿洲巡察駐劄廟灣特嚴出洋之禁凡取採者皆坐
如律有劉可宗者以販鯊海上將寘重辟之榮力爲
解免凡賴以調護者不一人畫巡司西街爲滿洲城
有出城生事者輒報民便之在任三年清惠無私會
逢計典罷去士民涕泗爲立生祠雍正十年改廟灣

淮安府志

卷之十九

守令

三十七

爲阜甯縣阜紳士感之榮之德邀其後裔入籍今邑
內紫陽菴卽濮公祠也

王宏猷鑲黃旗人任外河同知年未三十有經濟才性
慈祥每行刑則掩面弗視康熙三十六年黃淮異漲
宏猷竭蹶工所屢請發帑加隄當事者泄泄如也秋
水暴至老壩口工危在旦夕宏猷度不可保乃沐浴
焚香再拜躍入洪流中河水迅疾岸上人疾呼救援
不得遙見宏猷朝衣朝冠立巨浪中乍浮乍沉手引
濁浪自南之北若驅使狀於是全河大溜隨其指揮
不晷刻間頓徙數里老壩口無恙淮安卒保無虞宏

猷冥助之力也當事者猶坐以虧空數千金妻孥陷
縲綆御史彭鵬爲製哀辭弔之

徐璋南昌人康熙四十六年知清河縣端方植已撫字
勤民清邑常水荒閭閻乏食土賊蠡起璋每鎮設鷹
捕數人以嚴禁之煮粥賑饑民賴以生至若均里甲
掘蝗種疏積水卹火災惠政多端民至今尸祝之

吳軫廣西人進士康熙八年知安東縣時河決城圯流
亡載道軫噢咻備至凡可以爲民請命者無不殫力
爲之境內大裨升斗皆仰食他縣奸人搆引關蠹私
設稅口軫廉得其狀嚴治之萬民戴德

安東縣志

淮安府志

卷之十九

守令

三十八

彭銘莆田人舉人康熙三十九年知安東縣渾厚精明
寬嚴並濟水荒詳請蠲賑不憚再三分校文武兩闈
皆稱得士

安東縣志

伍質安福人康熙五十二年知安東縣兢兢矩矱蒞任
十年民享和平之福

安東縣志

葛鼎元進士康熙九年知桃源縣操守清介仁政及民
河決夫役苦困各項苛派無已鼎元爲民請命不獲
抑鬱以終民痛之

桃源縣志

沈仲寅餘姚人進士康熙十一年知桃源縣愛民如子
好獎士類河決躬親塞土城得保全歲饑請蠲請賑

民思慕之 桃源縣志

吳世貢烏程人康熙十九年知桃源縣清廉仁愛百姓

感戴有去思碑 桃源縣志

蕭文蔚字綱菴福山縣舉人康熙二十年知桃源縣廉

介有操振作士氣邑內疊被水災生齒凋瘁文蔚撫

卹字愛慮周民隱邑人至今頌之 桃源縣志

杜學林貴州普安州人康熙四十年知桃源縣

聖祖南巡列名幹員科徵田糧省差不擾培植士子樂獎善

類民安其清簡

祖秉圭鑲白旂人雍正元年知淮安府承嚴酷之後加

淮安府志 卷之十九 守令 三十九

意愛養澗河溉田無算忽奉憲檄閉閘無水民情瀟

懼秉圭立命開版當事者不能詰振興學校培植士

子有愷悌君子之風焉

江之瀚陝西甯夏人雍正間知桃源縣公廉明察卹民

愛士邑有逃亡丁口虛納徭銀之翰詳請具題丁從

地辦於是自雍正四年以來攤徵無擾調無錫令民

泣送之 桃源縣志

許逢元益都人雍正十年任清河知縣居心愷悌爲政

詳慎請改漕糧以甦民困議挑民便河以除水患旋

以調繁去任清民至今德之

余光祖字念峯犍爲人進士雍正二年知安東縣前後
詳請加幫東南便益各門外隄工使黃河得循軌禁
革槓費里役單頭永免民間派累會同運判張涵捐
修學宮建造米公亭於墨池上表前賢遺蹟民戴其
德

淮安府志

師儒

宋

徐積楚州教授每升堂訓諸生日諸君欲為君子而勞已之力費已之財如此而不為猶之可也不勞已之力不費已之財何不為君子鄉人賤之父母惡之如此而不為可也鄉人榮之父母欲之何不為君子又曰言其所善行其所善思其所善如此而不為君子者未之有也言其不善行其不善思其不善如此而不為小人者未之有也聞者斂衽敬聽餘詳人物先賢

淮安府志

卷之十九

師儒

一

言行錄

汪革字信民臨川人紹興四年甲科分教長沙蔡京欲以為國子博士力辭不就曰吾異時不欲附名奸臣傳復為楚州教授課士有方生平深厚不伐無詞色可見嘗有言曰咬得菜根則百事可做其礪志清苦如此淳熙中祀於學山陽縣志

章樵字升道昌化人嘉定元年進士歷海州高郵山陽教官習知海徼事再上時相書力陳李全必叛全果倡亂郡縣官多被禍樵率諸生盛服坐堂上講誦賊至斂刃而退樵學宗伊洛著撰甚多福建通志

明

茅大方字布董泰興人洪武己卯舉人永樂間教授郡庠時法令嚴切人不樂仕進以學校爲困已大方雅善訓諭諸生始樂就業文教之興實自此始

顏漢章清源人淮安教授博學多文教士以說理精義爲先記誦之習爲之一變

熊錫南昌人淮安教授教士多方雖燕居必衣冠整肅至諸生執經問難則言溫氣和如挹春風人知向學士風大振

鮑顓嘉興人淮安教授學行俱優孳孳愛士於生徒親

淮安府志

卷之十九

師儒

二

若父子士多感化焉

梅友實南昌人永樂初任淮安教授學規嚴正人材多所造就

陳嵐泰和人以賢良方正徵授淮安教授端謹嚴毅爲士子所敬服

李孜廣東保昌人淮安教授學邃才富而詞氣和平雅有高致士子皆景慕之

沈愷山陰人淮安教授以德化人士之貧者助其婚喪之費人以爲難

許令典字同生海甯人萬歷進士淮郡教授教諸生首

嚴義利之辨濬文渠故迹引運河水從西關入歷通
文橋經麟鳳坊注泮宮瑞蓮躍龍二池遶志道書院
而出東由澗河達射陽湖修先師廟暨學宮齋堂亭
閣之外闢教授廨清學基地表以石清學田親行勘
丈立收租稽考法且分以給山陽縣學人服其公至
樂舞俎豆名宦鄉賢典籍器物皆加考校士子感奮
精進科名不絕天啓時超陞淮安知府
王宣曲阜人明初府學訓導多才善教士皆化之從游
者多英雋

姚鵬莒州人明初府學訓導博洽多能文章古雅操行

淮安府志

卷之十九

師儒

三

不貳勤於教導士皆服從

劉寧吉安人成化間府學訓導學問優長誨人不倦

鄭義莆田人宏治初府學訓導動遵禮法規誨精勤士

奉爲式

以上皆
府學

王麟湖州人正統間山陽教諭言行威儀皆可師法詩
文楷書妙絕一時學者仰法之

陳實閩縣人山陽教諭學醇才贍推重一時

何德莆田人山陽教諭持身峻潔教誨詳明

陳艮山莆田人山陽教諭經明行修學問博洽教士有
方郡守屬修府志文章爾雅惜其原本不傳

周善仁和人成化間山陽訓導師道克端學業該博

朱廣明高安人山陽訓導勤於課訓詩文邃古

以上皆山陽縣學

王孟福清人洪武末鹽城教諭博學善教

潘洪金華人宣德間鹽城教諭學行兼美造就有方

張翔日照人宏治間鹽城教諭條教詳明舉行冠昏喪

祭禮斥浮屠說俾俗知正道焉

徐相南昌人正德間鹽城教諭性資峻直講教詳明

黃希韶莆田人嘉靖間鹽城教諭德器寬宏學問該博

秦四德河間人天啓間鹽城教諭課士務敦實行時子

淮安府志

卷之十九

師儒

四

書盛行正學充塞四德著四書會朱解心印二書多士賴之

郝景春字和滿江都舉人崇禎四年鹽城教諭教士以

忠孝大義躬爲表率風節矯然十一年擢知湖廣房

縣羅汝才請降於熊文燦景春單騎入其營與敵血

盟處其衆於房縣之野明年與張獻忠復叛景春擊

斬其將上天龍子鳴鸞號萬人敵擊傷獻忠左足力

盡父子俱以賊死僕陳宜亦從死焉

史獻家金壇人崇禎十三年鹽城教諭課士校文嚴令

程式值歲大饑率庠士募穀賑卹全活甚衆督漕史

可法聞而義之題陞知縣

莊爾身宜陽人崇禎十六年鹽城教諭學宮圯廢傾橐
倡建

彭之燾長洲人崇禎十六年鹽城訓導安和簡默人對
之鄙吝自消所入廉俸盡捐學宮至貧不能歸以上鹽城

縣學

俞縉鄱陽人嘉靖初清河教諭時歲大旱齋戒露禱卽
雨後又大荒饑民流離滿道倡義捐俸賑之成就人
材更多

李繼祖臨安人嘉靖中清河教諭孝友信厚道韻冲和

淮安府志

卷之十九

師儒

五

士之承其教者心悅誠服

以上清河縣學

葉瑾星子人景泰間安東教諭坐論講解九載如一日
捐俸倡募重建學宮開廣堂齋不干有司清風峻節
士類慕之

徐家坡正統間安東教諭興賢好學文譽籍籍

吳漣象山人宏治間安東教諭持身端謹訓誨嚴勤

張寧甌甯人成化中安東教諭勤於訓誨持身不苟

沈環蕭山人舉人成化中安東教諭嚴於教諭

張元長汀人嘉靖中安東教諭見祭器毀缺力謀於知
縣孫邦彥毀廢寺銅佛像爲登銅簠簋之屬以供祭

祀

史龍瑞字霖雨溧陽人崇禎朝安東教諭慷慨端毅貧生貸之無難色修聖殿濬泮池建文昌閣梓潼祠於學東南隅督贈城垣塞決口不憚勞勩壬午癸未間署縣篆兵破沐陽民避於湖泊不軌者乘機肆掠龍

瑞追治不貸地方以安

以上安東縣學

羅容洪武間桃源教諭舊志云興學造士

潘沐新昌人宏治中桃源教諭廉介不苟士類多所陶成

張欽進賢人宏治中桃源教諭耿介不苟勤於訓誨

淮安府志

卷之十九

師儒

六

易宗周桂林人正德中桃源教諭表章風節卓有古風區福番禺人宏治中桃源訓導廉靜自持教人不倦以上

桃源縣學

國朝

堵紀潮宜興人康熙朝淮安訓導端方和易以師道自持督修府學工皆完好名宦鄉賢二祠久頽神版散佚紀潮詳加考定凡未經置主而有名德實行載在郡乘者彙爲總版妥其神位修復祀事士皆感悅又合郡之先賢名儒及名宦以類立論名曰觀型錄黃施鏗無錫人進士雍正初淮安教授端嚴整飭課士

有方立同善會以周貧乏學宮久圯力請修建得荷
題允歲貢生坊銀舊因三逆之亂裁去力請上臺酌
復乾隆七年舉卓異陞國子監博士

汪克紹婁縣人雍正間任淮安訓導修葺學舍監理書

院襄贊志館歷有勤勞課十二以推誠不欺爲訓乾

隆十二年署教授事歿於官士林哀慕不忘

以上淮
安府學

王廷謀涇縣人舉人康熙間署山陽教諭老成持重質

直不苟時習波靡生徒凌競廷謀以恬穆處之在任

八載士林欽重

陳履端字晚耘宜興人檢討維崧子康熙間山陽訓道

淮安府志

卷之十九

師儒

七

詩文典麗綽有父風訓課士子不事束縛而自鮮佻

達時比之馬公絳帳云

以上山
陽縣學

隆可教臨淮人順治間鹽城教諭言行懇篤貧士進見

必厚待之有事力爲匡卹士益感仰

張守字曾符松江人舉人康熙間鹽城教諭學問淵博

勤於造士刊有射州課藝四集尤邃於詩著有菴園

詩集

張星軺武進人舉人康熙間鹽城教諭課士文行兼重

捐俸修學勞力賑饑

劉若審懷甯人順治間鹽城訓導學有淵源時聚多士

講研經學著有言詩弋獲叩鳴集

以上鹽城縣學

吳徵字芙城歙縣人康熙間清河教諭時學宮荒頽徵慨然以興廢爲已任次第修舉重建啓聖祠西廡創尊經閣凡廟中几筵籩豆之器無不修具學田射圃無不清釐

吳希古字雲門康熙間清河教諭沉毅有才士奉約束因學宮殿廡積水朽壞啓聖祠遺火焚燬希古倡捐募修與知縣馬協力營建煥然復舊又請修明倫堂與知縣管同任其事鳩工庀材不貲經費

馮爲桐字建唐丹徒人雍正元年清河教諭學宮頽壞

淮安府志

卷之十九

師儒

八

極力整理修聖殿兩廡圯者築漏者補植松栢數十株造先賢先儒木主百三十座凡所營造盡出已貲

陞郟城知縣

以上清河縣學

陳世景字所先通州人康熙間安東教諭立心平恕訓課有方待諸生如一體操守耿介尤不隨俗爲俯仰云

徐舒字霆發太倉州人康熙間安東教諭勤於課士評鑒精嚴士林奉爲模楷

江園桐城人副榜雍正三年安東教諭品行端方才華

懋著課士明經人文蔚起縣城立有去思碑

以上安東縣學

史逸嗣金壇人舉人康熙間桃源教諭首倡募修大成殿明倫堂築學宮前隄以捍水勤於月課多方造就士人至今懷之 桃源縣學

右自鎮撫至師儒凡名宦若干人合已未入祀者并著於篇此通志例也至若邳海二州四縣今已不屬淮郡彼處名宦自應從桃但所置木主猶存本郡祠內春秋祀享未替是一郡掌故之遺有未忍令其湮沒者謹備錄於篇末以存餼羊遺意云

附錄歷代崇祀名宦

凡不屬本郡者於本官下著明官職閱者自知

漢

淮安府志

卷之十九

師儒

九

汲黯

東海太守

尹翁歸

東海太守

韓稜

下邳令

黃浮

東海相

徐璆

東海相

孫堅

有傳

晉

王祥

下邳別駕

宋

袁粲

東海太守

隋

張孝徵

東海令

元 曖

東海令

唐

宋璟 有傳

宋

李清臣 判海州

石曼卿 判海州

孫洙 知海州

陳師錫 知宿遷縣

史欽 有傳

米芾 有傳

沈括 沭陽主簿

張叔夜 知海州

謝處信 有傳

侯畠 判海州

趙立 有傳

元

褚不華 有傳

淮安府志

卷之十九

師儒

十

明

范中 有傳

施禮 有傳

彭遠 有傳

邱陵 有傳

韓邦問 有傳

徐鏞 有傳

才寬 有傳

路迎 有傳

羅循 有傳

葛木 有傳

王鳳靈 有傳

孫繼魯 有傳

張守約 有傳

范永官 有傳

陳德輔 知海州

陰昺 知邳州

陸遠

周廣榮 知邳州

陳葵 知邳州

李惟聰 知邳州

雷爵 知邳州

周尚化 知邳州

高巖 知邳州

陳天瑞 有傳

黃旺 有傳

俞順辰 有傳

藺輔 有傳

王煥 有傳

涂昇 有傳

劉鉉 有傳

陳治本 有傳

孔克勳 有傳

喻有立 有傳

方文 有傳

李信圭 有傳

劉慧 有傳

郭郭 有傳

陸琳 有傳

淮安府志

卷之十九

師儒

十一

石存仁 有傳

汪仁 有傳

李尚達 有傳

姜素 有傳

束贄 有傳

鄭同 有傳

郭韶 有傳

歐陽周 有傳

盛鵬 知贛榆縣

王相 知沭陽縣

易瓚 知沭陽縣

蔣暘 知沭陽縣

郎廷珪 知贛榆縣

侯保 知贛榆縣

劉魁 知贛榆縣

李璋 知贛榆縣

王舉 知睢寧縣

林議 知贛榆縣

陳治典 知睢寧縣

梁宗嶽 知宿遷縣

張 巘 知宿遷縣

何 皞 知睢寧州

陳嘉畧 知贛榆縣

林廷玉 判海州

王 端 有傳

曹 卿 判邳州

王廷相 贛榆縣丞

方 鐸 宿遷縣丞

龔 森 知宿遷縣

許 懋 同知海州

王 孟 有傳

潘 洪 有傳

張 翔 有傳

徐 相 有傳

黃希韶 有傳

俞 縉 有傳

李繼祖 有傳

葉 瑾 有傳

吳 璉 有傳

淮安府志

卷之十九

師儒

十二

按今祠內有山陽縣令曹大咸木主府志未載

國朝

沈文奎 有傳

蔡士英 有傳

張萬春 有傳

佟康年 有傳

劉國靖 有傳

曹得爵 有傳

戚重進 有傳

俞有章 有傳

胡國佐

董 訥

施世綸 有傳

陳鵬年

張聖鐸 有傳

張泰交

邵嗣堯

余正健

許汝霖

張榕端

張元臣

以上六人俱江南
學政詳通省志府

靳輔

有傳

志不
載

齊蘇勒

有傳

淮安府志

卷之十九

師儒

十三

